

綱鑑易知錄

元

九十二之三

終

| |
|-----|
| 113 |
| 537 |
| 48 |



門 113
號 537
卷 48

尺本堂綱鑑易知錄卷九一

大正十五年二月
花房仙丈氏寄

綱目續編定本

山陰吳乘權楚材同輯

周之炯靜專

周之燦星若

元紀

成宗皇帝

名鐵木耳世祖之孫太子真金第三子也

在位十三年壽四十二歲而崩。帝承混
一之後憂國愛民真守成令主未歲寢疾沉
諛之詞牽帷牆之制赤子陪危寇氛四起其
未遠初政猶可觀爾

綱目乙未成宗皇帝元貞元年春二月帝如上都綱翰

綱鑑易知錄

卷九一 元成宗

趙孟頫論
留禁優劣

李賢於夢
災

蘭州河清

林學士承旨雷夢炎致仕。上以其在先朝言無所
隱厚賜遣之。初世祖嘗問夢炎葉李優劣於趙孟頫。
對曰。夢炎臣之父執。父同志之友也。其人重厚篤於自信。好
謀能斷。有大臣器。葉李所讀之書。臣皆讀之。所知所
能。臣皆知之。能之。世祖曰。汝以夢炎優於李邪。夢炎
為宋狀元。至宰相。當賈似道誤國。依阿取容。李以布
衣。乃伏闕上書。是賢於夢炎也。廣觀孟頫論夢炎人
品要亦為已而設
及世祖右葉李而左夢炎於時。不知孟頫之齟齬曾不為之厚乎。綱三月。安南入貢。
地震。綱夏閏四月。蘭州屬陝西臨洮府河清。綱上下三百

餘里。凡三日。

非瑞也。見七四卷二二發明。

綱六月。陝西旱饑。秋

九月。帝還大都。

冬十二月。立皇后伯岳吾氏。

綱丙申二年。春二月。以不忽木為昭文館大學士。平

章軍國事。段貞為平章政事。三月。帝如上都。秋

八月。帝還大都。

綱丁酉。大德元年。春正月。以也先帖木兒為平章政

事。帝如上都。綱太后幸五臺山。初為太后建寺

於五臺山。在山西太原府五臺縣。至是成。太后將臨幸之。監察

御史李元禮上疏言。五臺山創建寺宇。工役俱興。供

李元禮諫
太后幸五

億煩重民不聊生。伏聞太后臨幸五臺，尤不可者有五。盛夏禾稼方茂，民食所仰，騎從經過，不無蹂躪。踐踏也。一也。親勞聖體，經冒風日，往復數千里，山川之險，萬一調養失宜，悔將何及。二也。天子舉動，必書簡冊，以貽萬世。書而不法，將焉用之。三也。財不天降，皆出於民。今日支持調去聲度鐸，百倍曩時，而又勞民傷財，以奉上木，四也。佛以慈悲為教，雖窮天下珍玩，供養不為喜，雖無一物為獻，亦不怒。今太后欲為兆民祈福，而先勞聖體，使天子曠定省見八四卷七之禮，五也。

伏望回轅中道，端處深宮。上以循先皇后之懿範，次以盡聖天子之孝誠。下以慰元元見上卷末之望。如此，則不祈福而福自至矣。臺臣不敢以聞。其後侍御史萬僧與中丞崔彧郇有隙，取元禮章封入奏之曰：崔中丞私比漢人李御史為大言謗佛，謂不宜建寺。帝大怒，敕完澤不忽朮鞫窮罪也之。完澤曰：往吾亦嘗以此諫。太后曰：我非喜建此寺，蓋先帝嘗許為之，非汝所知也。不忽朮曰：他御史懼不敢言，言者惟一元禮可賞也。完澤等入言之。帝沉思良久曰：御史言是也。

李元禮可賞

祿星出奎

乃罷萬僧。復元禮職。綱秋七月。祿星出奎。九月。帝還大都。綱冬十月。以吳元珪為吏部尚書。目時選曹銓注多有私其鄉人者。元珪曰。此風不可長。自視事。請謁悉皆謝絕。綱禁諸王駙馬奪民田。仍禁民間以公私土田呈獻及受其獻者。綱戊戌二年春二月。以張九思梁德珪並為平章政事。目初太子真金卒。朝議欲罷詹事院。九思時為詹事丞。抗言曰。皇孫宗社人心所屬。視詹事正所以輔成道德者。奈何罷之。尋進拜中書左丞。德珪一名梁

梁德珪諷

定歲課三十取一

諳都刺。世祖時參知政事。治事有敏才。京師地震。世祖怪州郡報囚之數過多。德珪曰。當國者急於徵索。蔓萬延收繫以致此爾。帝悟為去聲赦中外逋布平聲負。尋拜右丞。綱帝如上都。夏五月。以何榮祖為平章政事。秋九月。帝還大都。冬十二月。定歲課三十取一。命廉訪司歲舉廉幹者各二人。綱彗星。見五卷十三見目出子孫星下。綱已亥三年春正月。遣使問民疾苦。綱以哈瞎上聲刺哈孫為左丞相。綱二月。帝如上都。綱命何榮祖等更

綱鑑易知錄

卷九一

元成宗

四

弘吉刺后
有賢德

定律令。帝諭榮祖曰。律令良法也。宜早定之。既而書成土之。且言臣所擇者三百八十條。一條有該三四事者。帝曰。古今異宜。不必相沿。詔元老大臣聚聽之。未及頒行而榮祖卒。綱秋九月。帝還大都。冬十月。以阿魯渾薩里為平章政事。綱命兄子海山鎮漠北。海山帝兄答刺麻八刺之長子。帝以寧遠王闊闊出總兵北邊。怠於備禦。命海山即軍中代之。綱庚子四年春二月。皇太后弘吉刺氏崩。后有賢德。事昭睿順聖皇后。執婦道甚謹。及尊為太后。后之

祭酒

弟欲因后求官。后拒之曰。勿以累我也。崩諡徽仁裕聖皇后。綱二月。帝如上都。夏四月。以不蘭奚為平章政事。綱五月。昭文館大學士平章軍國事不忽木卒。贈魯國公。綱秋閏八月。帝還大都。綱辛丑五年秋八月。彗出井。入紫微垣。綱九月。禁酒。時以歲凶。禁酒仍弛。山澤之禁。聽民漁獵。綱壬寅六年春正月。詔收富民護持璽書。目帝詔臺臣曰。聞江南富民侵占民田。致貧者流徙。卿等亦聞之否。對曰。富民多乞護持璽書。依倚以欺貧民。官

府不能詰乞治宜悉追收為便命即行之母越三日
綱二月帝有疾夏四月帝如上都五月太廟寢
殿災冬十月帝還大都

綱癸卯七年春二月以阿老瓦丁木八刺沙並為平

章政事綱汰諸司冗冗本員定中書省自左右丞

相而下平章政事二員左右丞各一員參知政事二

員定為八府綱三月遣使巡行上天下罷賦汚官吏

七十三人審冤獄五千一百七十六事綱復以鐵哥為平章政事帝

如上都綱蘭谿今浙江金華府蘭谿縣處士金履祥卒綱履祥

八府

少從學同郡王柏見八九卷十一及何基見同上之門二人蓋

得朱熹之傳者宋將亡遂絕意進取屏居金華山

中嘗以劉恕見七二卷十一外紀恕作司馬氏通鑑見同上

以前事不本於經舛謬不可信乃斷短自尚書旁采

子諸史史損益之作通鑑前編他如論孟大學諸經

傳及禮樂書各有注疏授其門人許謙以傳當時以

為基之清介純實似尹和靖見七六卷十一柏之高明剛正

似謝上蔡謝良佐河南汝寧府上蔡縣人見七四卷三十履祥則親得之二

氏而並充於已者也居仁山之下學者因稱仁山先

通鑑前編

仁山先生

生至正順帝年號中賜諡文安。綱夏閏五月右丞相完澤

卒。秋七月以哈刺哈孫為右丞相阿忽台為左丞

相。綱八月地震。目平陽今山西平陽府太原今山西太原府尤甚。村

堡移徙。地裂成渠。壞怪廬舍萬八百區。人民壓死不

可勝。升計詔問致災之由。齊履謙言。地為陰而主靜。

妻道。臣道子道也。三者失其道。則地為去聲之不寧。弭

米之之道。大臣當反躬責己。去專制之威。以答天變。

不可徒為祈禳也。時帝寢疾。宰臣及中官專政。故履

謙言及之。而集賢院名大學士陳天祥亦上書極陳陰

陽不和。天地不位。為時政之弊。言尤切直。執政者惡

之。抑不以聞。天祥自被召起。且一歲。每以不得一見

帝言鬱鬱不自釋。尋復謝病歸。綱九月帝還大都。

復以木八刺沙為平章政事。十二月彗出紫微垣。

綱甲辰八年春正月地震。二月帝如上都。秋九

月帝還大都。冬十月立海山為懷寧王。

綱乙巳九年春三月帝如上都。隕霜殺桑。綱夏四

月大同今山西大同府地震。目有聲如雷。壞怪官民廬舍五

千餘間。壓死二千餘人。綱六月立子德壽為皇太子。

三月隕霜殺桑

給曲阜林廟灑掃戶

押忽大珠

綱秋七月命兄子愛育黎拔力八達居懷州。今河南懷慶府

目答刺麻八刺次子海山母弟也。綱以段貞八都馬辛並為平章政事。八月給曲阜林廟灑掃戶。綱賈古胡獻寶珠。目西域賈人有獻珍寶求售者。議以六十萬錠酬其直。省臣有謂左丞尚文者曰。此所謂押忽大珠也。六十萬酬之不為過矣。文問何所用之。答曰。含之可不渴。熨畏面可使目有光。文曰。一人含之。千萬人不渴。則誠寶也。若一寶止濟一人。則用已微矣。吾之所謂寶者。米粟是也。有之則百姓安。無則天

哈刺哈孫迎懷寧兄弟

下亂以功用較之。豈不愈於彼乎。綱九月帝還大都。綱冬十二月太子德壽卒。

綱丙午十年春閏正月以徹里阿散並為平章政事。綱二月帝如上都。冬十一月帝還大都。十二月有疾。

綱丁未十一年春正月安西王阿難答及諸王明里帖木兒入朝。綱帝崩。廟號成宗國語稱曰完澤篤皇帝綱左丞相阿忽台等謀奉皇后臨朝以安西王攝政右丞相哈刺哈孫遣使迎懷寧王海山於漠北及其弟愛育黎拔

力八達於懷州。后以已嘗謀出愛育黎拔力八達及其母居懷州。至是恐其兄懷寧王立。必報前怨。乃命名安西王入京師。欲立之。而左丞相阿忽台平章賽典赤八都馬辛伯顏及諸王明里帖木兒陰左右俱去之。謀斷。海山歸路奉皇后垂簾聽政。立安西王輔之。時右丞相哈剌哈孫收百司符印封府庫。稱疾守宿掖門。官掖之門內旨日數至。皆不聽。眾欲害之。未敢發。懷寧王適遣康里脫脫計事京師。哈剌哈孫令急還報。復遣使南迎愛育黎拔力八達於懷州。**綱**二

月愛育黎拔力八達至自懷州。誅阿忽台等。執阿難答歸於上都。**綱**夏五月懷寧王海山至上都。廢皇后伯岳吾氏居東安。殺之。誅安西王阿難答及諸王明里帖木兒。遂即位。大赦。以阿沙不花為平章政事。遣報兩宮愛育黎拔力八達。即侍其母弘吉刺。如來會於上都。**綱**追尊考曰順宗皇帝。尊母弘吉刺氏為皇太后。加哈剌哈孫朶兒朶海並太傅。阿沙不花太尉。以塔剌海為左丞相。牀兀兒乞台普濟明里不花並平章政事。六月立弟愛育黎拔力八達為皇太子。以牀兀兒不蘭奚並為平章政事。**綱**

立弟為皇太子

制如孔子
號曰大成

秋七月封禿剌為越王。以手擒阿忽台功也。左遷右丞相哈剌哈孫為和林。見上卷。左丞相封禿剌譖之也。以月赤察兒為和林右丞相。進爵淇陽王。綱以塔剌海為右丞相。塔思不花為左丞相。塔失海牙教化法。忽魯丁別不花並平章政事。綱制加孔子號曰大成。廣嗚呼加吾夫子之尊號者。至元武宗可謂至矣。盡矣。不可。以有。加矣。後有欲尊吾夫子者。殆恐不及元人此舉之為當也。目制曰。先孔子而聖者。非孔子無以明。後孔子而聖者。非孔子無以法。所謂祖述堯舜。憲章文武。儀範百王。師表萬世者也。可加大成至聖文宣王。遣使

賜諸王孝
經

闕里。見二二卷。祀以太牢。牛曰太牢。於戲。父子之親。君臣之義。未為聖教之遵。天地之大。日月之明。奚聲名言之妙。尚資神化。祚我皇元。綱八月。賜諸王孝經。廣賜諸經者。歷代未嘗見。諸史冊也。元人此舉。深得以孝治天下之旨。特書於冊。美可知矣。目中書右丞李羅帖木兒。以國字譯孝經。進詔曰。此孔子微言。王公庶民。皆當由是而行。命刻板摹印。諸王以下咸賜之。綱以塔海為平章政事。九月。帝至自上都。綱冬。十二月。徵處士蕭料。居為太子右諭德。目料陝西奉元人。初出為府史。語當道不合。即引退。力學三十

蕭刺書酒
誥為獻

年不求進。鄉人有暮行遇盜，詭曰：我蕭先生也。盜驚愕，釋去。世祖時，辟舉也。為陝西儒學提舉，不赴。後累授集賢直學士、國子司業，改集賢侍讀學士，皆不赴。至是徵也。拜太子右諭德，扶病至京師，入覲東宮。書酒誥，周書篇名，商受酬酒，天下化之。妹土商之都邑，其染惡尤甚。武王以其地封康叔，故作酒誥教之。為獻以朝廷時尚酒也。尋以病請解職，或問之，則曰：禮東宮東面，師傅西面，此禮今可行乎？俄擢集賢學士、國子祭酒，依前右諭德。疾作，固辭而歸。卒，諡貞敏。

綱目不滿
蕭刺之意

靜軒周氏曰：凡徵處士不起者，則書不至受職而復還者，則書尋辭歸，或書尋遣歸，此通例也。今蕭刺累徵不起，及至而以病辭歸，此何以不書辭歸而直書為太子右諭德？若真仕於朝者，是蓋不滿之意也。刺既不欲仕，則亦已矣。況前累召不起，今而扶病至京，何耶？原其心，不過向之辟為儒學提舉，未親君也。後之授為國子司業，亦未親君也。迨至太子諭德，則志得意滿，雖疾不辭，奈何禮貌既衰，疾作解職，又豈誠於恬退者哉？綱目削去其辭歸，其不滿之意可見耳。

武宗皇帝 名海山，答剌麻八剌之長子，成宗姪也。初封懷寧王，總兵北邊。成宗崩，諸王立之。在位四年，壽三十歲而崩。帝慨然欲創治改法，而有為故其封爵太濫，賜賚太泛。至元大德之政，於是稍有變更云。

綱目 戊申，武宗皇帝至大元年春正月，以阿沙不花為

右丞相行御史大夫事。目初阿沙不花見帝容色日
悴乘閒閒。乘。空閒處。進曰。陛下八珍之味不知御。萬金之
身不知愛。而惟麩麩。木。字。麩。則大苦。麩多則太甘。麩。若作酒醴。爾惟麩。得中然後成酒。商書。是耽妃嬪是好。是猶兩斧伐孤
樹。未有不顛仆者。陛下縱不自愛。獨不思祖宗付託
之重。天下仰望之切乎。帝大悅曰。非卿孰為朕言。因
命進酒。阿沙不花頓首謝曰。臣方欲陛下節飲。而反
勸之。是臣之言不信。於陛下也。臣不敢奉詔。左右
皆賀。帝得直。臣遂授右丞相行御史大夫事。尋以太

兩斧伐孤樹

子請復入中書。既又賜爵康國公。綱三月。帝如上都。
綱以脫脫木兒為平章政事。綱夏六月。隴西今陝西臨洮府雲南地大震。綱加宦者李邦寧大司徒。兼左丞相。目
邦寧在宋為小黃門。初從瀛國公宋恭宗入見世祖。問
給事內庭。至是帝欲以為浙江平章。辭曰。臣以闈腐
餘命。前朝赦而用之。今陛下復欲置臣宰輔。臣聞宰
輔者。佐天子共治天下者也。奈何辱以寺人。也。陛
下縱不臣惜。如天下後世何。誠不敢奉詔。帝大悅。加
大司徒。遙授左丞相。仍領太醫院事。綱秋七月。以答

李邦寧辭平章

綱監易甲錄 卷九 一元武宗 十二

思不花為右丞相。乞台普濟為左丞相。綱八月。諸路水旱蝗。江淮民採草根樹皮為食。而河南山東有。父食其子者。詔凡遣使賑貸之處。差稅並蠲。除之。既而省臣言。夏秋之間。鞏昌今陝西鞏昌府地震。歸德今河南歸德府。暴風。濟寧今山東兗州府濟寧州。泰安今山東濟南府泰安州。真定今直隸真定府。大水。民居蕩析。江浙饑荒之餘。疫癘大作。死者相枕藉。父鬻其子。夫離其妻。哭聲震野。所不忍聞。是皆臣等不才。猥當大任。以致政事乖違。陰陽失序。願退位以避賢路。帝曰。災害事有由來。非爾等所致也。但

以西僧為翰林學士

當慎所行。爾。綱九月。帝還大都。綱冬。十月。以西僧教瓦斑為翰林學士承旨。綱十一月。以乞台普濟為右丞相。脫脫左丞相。閏月。太傅哈剌哈孫卒。諡忠獻綱。詔有司贖饑民所鬻子女。以赤因帖木兒為平章政事。

綱己酉。二年春。正月。帝如上都。秋。八月。復置尚書省。以乞台普濟為右丞相。脫脫虎脫為左丞相。三寶奴樂實為平章政事。保八為右丞。忙哥鐵木兒為左丞。王巖參知政事。綱置太子右衛率。同帥。大府。命

右丞相脫虎脫御史大夫不里牙敦領府事取河南
蒙古軍萬人隸之王約曰左衛率府舊制有之今置
右府何為諸公深思之不可以累儲宮也太子又命
取安西兵器給宿衛士約謂詹事完澤曰詹事移文
千里取兵器人必驚疑主上聞之奈何完澤愧曰實
慮不及此家令薛居言陝西分地五事命往理之約
不為去聲署行語去聲之曰太子潛龍也當勿用之時為
飛龍之事可乎易乾卦初九潛龍勿用九五飛龍在天遂止太子喜諭
羣下曰事未經王彥博字約議者勿啓綱九月帝還大

太子潛龍

都綱冬十一月以阿散為尚書左丞相行中書平章
政事

綱庚戌三年春正月徵李孟入見以為平章政事同

知樞密院事李孟愛育黎拔力八達之傳也大德十

大都誅阿忽台等執阿難答歸上都遣使奉璽北迎

武宗遂自監國俾李孟參知政事孟曰執政大臣當

自天子親用今變輿在道孟未見顏色誠目初孟既

不敢冒大任固辭勿許遂逃去不知所之

逃去有譖於帝者曰內難初定時孟嘗勸皇太子上見

自取帝弗之信一日太子侍內宴忽戚然改容帝

曰吾弟何不樂太子從容起謝曰賴天地祖宗神靈

九

仁宗舉李孟

神器見二十七有歸。然成今日母子兄弟之權者，李道

復孟字之功居多。適思之，不自知其變於色也。帝即命

搜訪之，得於許昌今河南開封府許州。陘山，名見謂宰臣曰：

此皇祖妣命為朕賓師者，宜速任之。至是乃授中書

平章事，集賢名院大學士，同知樞密院事。**綱**立皇后弘

吉刺氏。二月，寧主闊闢出謀反，流于高麗。以樂

實為尚書左丞相。三月，帝如上都。夏五月，荆襄

大水，山崩。秋九月，帝還大都。

綱辛亥四年春正月，帝崩。廟號武宗，國語稱曰曲律皇帝。**綱**皇太子

罷尚書省，誅脫虎脫。三寶奴樂實保八王罷流，忙哥

鐵木兒于海南。**目**皇太子以脫虎脫等變亂，舊章流

毒百姓。凡誤國者，欲悉按誅之。延慶使楊朵兒只諫

曰：為政而首尚殺，非帝王治也。太子感其言，特誅其

尤者。既而御史言脫虎脫等既正典刑，而黨附之徒

布在百司。若孛羅鐵木兒、闊里吉思、烏馬兒等，姦貪

害政。今中書方欲用為各省平章參政等官，宜加罷

黜。從之。廣仁宗速改其兄之不善，其賢於武宗遠矣。故特書皇太子者，美之也。**綱**以鐵

木迭兒為右丞相，完澤李孟並平章政事。**綱**召先朝

仁宗賢於武宗遠

召先朝舊臣

舊臣程鵬飛等十五人。召先朝諳知政務老臣程鵬飛董士選李謙張驢陳天祥尚文劉正郝天挺董士珍蕭軒居劉敏中王思廉韓從益趙君信程文海十五人詣闕同議庶政天祥等五人不至謙至首陳九事正陳八事皆欲朝廷守成憲肅賢路重名爵節財用興學校定律令舉切時弊。綱二月罷康里脫脫為江浙行省左丞相。綱三月皇太子即位大赦。綱寧夏地裂。綱遣宦者李邦寧釋奠見四二卷十于孔子。綱邦寧既受命行禮方就位忽大風起殿上及兩廡燭盡

宦者行釋尊禮

滅燭臺底鐵鐔存去

聲

入地尺許無不拔者邦寧悚息

伏地諸執事者皆伏良久風息乃成禮邦寧因慚悔

累日。初帝在東宮邦寧知三寶奴等畏帝英明乘

閒言於武宗曰陛下富於春秋皇子

和世球。球音臘。

漸長

父作子述古之道也未聞有子而立弟者武宗不悅

曰朕志已定汝自往東宮言之邦寧慚懼而退及帝

即位左右咸請誅之帝曰帝王歷數自有天命其言

何足介懷加邦寧開府儀同三司為集賢院大學士

尋卒。綱秋閏七月賜李孟爵秦國公。綱孟感帝知遇

仁宗不罪李邦寧

李孟長者之言

頗以國事為己任。見當時賜予太廣。名爵太濫。風俗太僭。擬無章。每勸帝言人君之柄。在刑與賞。刑不足懲。賞不足勸。何以為治。帝在懷州。見上深見吏弊。既即位。欲痛刻。產除之。孟曰。吏亦當有賢者。在激厲之而已。帝曰。卿儒者。宜與此曹氣類不合。而曲為保護。如此。真長者之言也。嘗謂之曰。朕在位。必卿在中。書賜爵秦國公。圖其像。命詞臣贊之。每入見。稱曰。道復而不名。綱增國子生為三百人。初。帝命李孟領國子學。諭之曰。國學人材所自出。卿宜數明課諸生。

陪堂生

伴讀

勉其德業。至是。又諭省臣曰。昔世祖注意國學。如不忽术等。皆蒙古元本人。而教以成材。朕今親定國子生為三百人。仍增陪堂生二十人。通一經者。以次補伴讀。著為式。既而孟等言。方今進用儒者。而老成日以凋謝。四方儒士有成材者。請擢任國學翰林秘書。太常或儒學提舉等職。俾學者有所激勸。帝從之。詔自今勿限資給。果材而賢。雖白身亦任用之。綱冬。十一月。復以阿散為平章政事。

仁宗皇帝

名愛育黎拔力八達。武宗同母弟也。武宗舍子而立。弟為皇太子。遂嗣位。在位九年。

壽三十六歲而崩。帝天性恭儉，通達儒術，不事遊畋，不喜征伐，不崇貨利，事皇太后終身不違顏色，待宗戚動舊，始終以禮，有司奏大辟，每慘惻，移時其孜孜為治，一遵世祖成憲云。

綱壬子仁宗皇帝皇慶元年春正月制進翰林國史

院秩。帝諭省臣曰翰林集賢儒臣須朕自選用毋

輒擬奏人言御史臺任重朕謂國史院尤重蓋御史

臺是一時公論國史院是萬世公論於是陞翰林國

史院秩從一品尋敕博選中外才學之士居之。綱夏

四月帝如上都五月以阿散為左丞相張驢為平

章政事。綱六月敕左右勿僥倖乞加官。目時朝廷封

國史萬世公論

郝天挺請慎惜名器

復請久任內外官

拜繁多羣臣無功而受王公之爵者前後相繼於是

誠左右勤職業勿妄僥倖加官御史中丞郝天挺言

自先帝即位之時大事初定故於左右三五有功之

人爵之太高遂使近倖之臣因而相襲王公師保接

迹於朝比者雖令追印裁罷曾未經歲又復紛然春

秋云服之不衷身之災也。語在左傳僖公二是以朝

廷名器。見四卷重則斗升之祿足以鼓舞豪傑名器

濫則雖日拜卿相而人不勸矣又言國初設官在內

須三十月在外須三周歲考其殿顛去最以為黜陟

比者省院臺部之臣久者一二歲少者三五月甚有旬日之間而屢遷數易者奔走往來之不暇尙暇宣風布化參理機務哉乞自今惟大臣可急闕選授其餘內外大小官屬必候任滿方許超遷庶免朝除夕改啓倖長奸之弊

綱秋七月帝還大都

綱冬十二月李孟罷以張珪為平章政事

目帝欲以伶人曹咬住為禮部尚書珪曰伶人為宗伯何以示後世力諫止之

綱癸丑二年春二月鐵木迭兒罷以禿忽魯為右丞

相立皇后弘吉刺氏

綱琴見五卷十三出東井

目丞相

禿忽魯言頻年亢旱民黎艱食而又隕霜雨去聲沙天

象示警皆由臣等燮理見六卷十七不職所致乞罷黜以

答天譴帝曰事豈關汝其勿復言

綱夏四月帝如上

都五月以烏伯都刺為平章政事六月京師地

再震

綱詔以周敦頤程顥張載邵雍司馬光朱

熹張栻呂祖謙許衡並從祀孔子廟庭

廣書詔以諸賢從祀者

崇道統也

綱秋八月帝還大都

綱冬十一月初詔行科舉

目初世祖時議定科舉新制未及行至是中書省臣

十賢從祀

三歲一開科

復以為言。乃命定其條制。詔天下三歲一開科。蒙古色目人。與漢人南人各命題。蒙古色目人願試漢人南人科目中選者。加一等注授。綱京師大旱疫。帝問弭災之道。翰林學士程鉅夫舉湯禱桑林事。以對。帝歎曰。此實朕之責也。赤子何罪。綱甲寅。延祐元年春正月。詔求遺逸。二月。秃忽魯罷。以阿散為右丞相。趙世延參知政事。三月。帝如上都。夏六月。敕自今宦者勿得授文階。秋八月。帝還大都。地震。九月。復以鐵木迭兒為右丞相。

賊吏黥面

升齋積分法

阿散為左丞相。綱冬。詔吏坐賊罪者黥其面。十二月。復以李孟為平章政事。綱復以齊履謙為國子司業。初。履謙與吳澄俱在國學。既罷去。學制稍廢。至是。復以履謙為司業。乃酌舊制。議立升齋積分之法。每季考其學行。以次第升。既升上齋。踰再歲始與私試。辭理俱優者一分。辭平理優者為半分。歲終積至八分者為高等。禮部集賢歲選六人以貢。帝從其議。

綱乙卯二年春正月。遣使巡行天下。疾苦黜陟官吏

綱三月初賜進士護都沓兒張起巖等五十六人及第出身有差分進士為兩榜蒙古色目人為右漢人南人為左第一名從六品第二名下

仁宗有元及第二甲皆正七品第仁宗誠可謂有元文明之三三甲正八品兩榜並同明主矣前書初詔行科舉此

書初賜進士元自混一至是歷三主四十餘年所未嘗行至仁宗而始行之則其興賢育才之意良可見矣是以皇慶延祐之治號稱治平良以此也若仁宗者誠功光祖宗德垂後世而屹然為一代之規模焉

美哉不綱張驢罷夏四月帝如上都綱五月成紀縣今陝西鞏昌府秦州山移固是夜疾風電雹北山南移至西

河川次日再移平地突出土阜高者二三丈陷沒民居監察御史馬祖常言山不動之物今而動焉由在

加宦官大學士

野有當用不用之賢在官有當言不言之佞故致然

耳綱加宦官續元暉昭文館大學士發去年夏書教

得授文階至是年五月僅克踰暮而書加宦者續元暉昭文館大學士曾謂學士之職非文階乎綱

秋八月帝還大都以趙世延為御史中丞冬十

月以郭貫為參知政事綱十一月慧見紫微垣見上

入赦綱立武宗子和世球臘為周王出鎮雲南廣仁

仁宗即宋太宗所為

此舉即宋太宗之所為也目初武宗既立帝為太子

後丞相三寶奴復勸立和世球名康里脫脫言之脫

脫曰太弟曩定宗社居東宮已久兄弟叔姪世世相

郭守敬天文水利

承孰敢紊其序乎。三寶奴曰：今日兄已授弟，異日能保叔授其姪乎。朕脫曰：在我不可渝也。彼失其信，天實鑒之。至是議立太子，丞相鐵木迭兒欲徼_邀寵請立皇子碩德八剌，又與太后幸臣失烈門譖王於兩宮，遂封為周王，遣出鎮雲南。**綱**詔免江浙等三省自實田租二年。

綱丙辰三年春三月，帝如上都，平章政事張瑄謝病歸。**綱**太史令郭守敬卒，**目**守敬之學長於天文水利，太史令王恂以學自負，每見守敬制度精巧，深歎服。

之王禕曰：自宋以來學者於天文水利之故不講久矣，守敬獨能任其絕學，度越往古以成一代之制。

綱夏五月，以伯鐵木兒蕭拜住並為平章政事。秋

八月，帝還大都。**綱**冬十月，以趙孟頫為翰林學士承

旨。曰：帝在東宮，素知其名，及即位，名除集賢侍講學

士，至是拜翰林學士承旨。有閒諫之者，言國史不宜

命孟頫與_頫。帝曰：子昂_{孟頫字}，世祖所簡拔，朕置之館

閣，使典述作，傳之後世，此屬_鏤。何也？復厚賜

之_廣。子昂以趙宋宗室，臣事_離元，其醜固不足言矣。

張世傑為何如人矣。嗚呼！悲哉！綱十一月，周

愧子昂於于古

其時月而大書之者，愧子昂於于古也。**綱**十一月，周

露香禱天

王和世疎逃居漠北。立子碩德八剌為皇太子。
綱丁巳四年春三月帝如上都。綱夏四月不雨。帝
嘗夜坐謂侍臣曰。雨暘不時。奈何。蕭拜住曰。宰相之
過也。帝曰。卿不在中書邪。拜住惶愧頓之。帝露香禱
於天。既而大雨。左右以雨衣進。帝曰。朕為民祈雨。何
避焉。綱五月以赤因鐵木兒阿卜海牙並為平章政
事。六月鐵木迭兒罷。以阿散為右丞相。以烏伯
都刺復為平章政事。秋七月李孟罷。以王毅為平
章政事。綱賜衛士錢帛。帝出見衛士有弊衣者。駐

馬祖常諫
飲酒及居
東宮

馬問之。對曰。戍怒守邊鎮餘十五年。以故貧耳。帝曰。
此輩久勞於外。畱守臣未嘗以聞。非朕親見。何由知
之。自今有類此者。必言於朕。因命賜之錢帛。綱八月。
帝還大都。帝在御已久。猶居東宮。而飲酒無度。監
察御史馬祖常上書言。天子承天繼統。當極保愛。玉
食之御。猶審五味之宜。酒醴之供。可不思百拜之義。
大內正衙朝賀之地。雖陛下不忘東宮之舊。竊慮起
民間觀聽之疑。且國家百年朝儀。尚闕誠使羣臣奏
對之際。御史執簡。史官執筆。則雖有懷奸利乞官賞

者不敢出諸其口。乞令中書集議。或三日二日常出視朝。則治道昭明。生民之福也。綱九月。以伯答沙為右丞相。阿散復為左丞相。初阿散奏事畢。帝問曰。卿等日所行者何事。對曰。奉行詔旨而已。帝曰。卿等何嘗奉行朕旨。雖祖宗遺訓。朝廷法令。皆不遵守。夫法者所以辨上下。定民志。自古未有法不立而天下治者。使人看制法。宰相能守法。則民知畏。避免於刑戮。若法弛民慢。怨言並興。求治難矣。阿散因言故事。丞相必用蒙古勳臣。阿散西域人。不厭煙人人望。因

寫金字佛經

懇辭。遂以宣徽使伯答沙為右丞相。阿散仍左丞相。

綱嶺北地震三日。

綱戊午五年春二月。寫金字佛經。夏四月。以千奴

史彌並為平章政事。帝如上都。秋八月。帝還大

都。九月。以亦列赤為平章政事。

綱己未六年夏四月。帝如上都。綱以鐵木迭兒為太

子太師。鐵木迭兒家居未逾年。復寅緣起為太

子太師。中外聞之。莫不驚駭。時御史中丞趙世延論

其不法數十事。并內外臺劾其不可輔導東宮者。又

趙世延論鐵木迭兒

四十餘人。然以太后之故，皆不聽。綱揚州火，燬官民廬舍二萬三千三百餘區。綱六月，山東淮南諸路大水。秋八月，帝

還大都。冬十二月，詔太子參決朝政。

綱庚申七年春正月朔日食，帝崩。廟號仁宗，國語稱日普顏篤皇帝。

綱伯答沙罷。綱太后以鐵木迭兒為右丞相。綱帝崩

方四日，鐵木迭兒遂以太后命復入中書。後數日參

議省事，乞失監有罪，應杖。太后又欲笞之。太子曰：不

可。法者天下之公，徇私而輕重之，非所以正天下也。

徽政院使失烈門復以太后命請遷轉朝官。太子曰：

法者天下之公

此豈除官時邪？且先帝舊臣，豈宜輕動？俟予即位之

後，議於宗親元老，賢者任之，邪者黜之，可也。綱二月

太子以黑驢趙世榮並為平章政事。綱鐵木迭兒殺

前中書平章政事蕭拜住。御史中丞楊朶兒只以蕭

及朶兒只攻其奸惡，故報之也。綱三月，太子即位，大赦。尊皇太后

為太皇太后，皇后為皇太后。加鐵木迭兒太師。綱

奪李孟封爵，左遷為集賢侍講學士。綱鐵木迭兒以

孟初不附，已讒構於上，盡奪其前後封拜，制命仆其

先墓碑，左遷為集賢侍讀學士，欲因其不就，中害之。

李孟拜命欣然

孟拜命欣然。帝謂鐵木迭兒子八爾吉思曰爾輩謂孟不肯為是官。令何如。由是無敢言者。綱以拜住為平章政事。夏四月。帝如上都。綱近臣獻七寶帶。却之。目有獻七寶帶者。因近臣以進。帝曰。朕登大位。不聞卿等進賢而為人獻帶。是以帶誘朕也。其還之。綱阿散罷。以拜住為左丞相。乃刺忽塔失海牙並平章政事。綱平章政事黑驢御史大夫禿禿哈等謀逆。謀廢伏誅。綱以鐵木兒脫為平章政事。六月。以康里脫脫為御史大夫。秋七月。乃刺忽罷。以廉恂為

却七寶帶

始服袞冕享太廟

平章政事。綱八月。下四川平章政事趙世延獄。目初世延既解中丞。出為四川平章。鐵木迭兒猶怨之。不巳。仁宗崩。即屬祝其黨誣告之。逮世延置對。既遇赦。猶鍛鍊成獄。請置極典。詔以經赦。置不問。鐵木迭兒更以他事罔上。繫之於獄。逼令自裁。世延終無屈。綱冬十月。帝還大都。綱十一月。始服袞冕享太廟。目帝將以四時躬享太廟。命禮官與中書翰林集議其禮。制曰。此追遠報本之道也。毋以朕勞於對越。詩周頌於也。而有所損焉。至是以恭謝太廟。乃備法駕服袞

冕以行禮。至仁宗室，輒歔歔悲泣氣咽，流涕左右，莫不感動。自是始以明年正月四時親享，歲以為常。禮畢還宮，鼓吹交作，萬姓聳驚觀。百年廢典，一旦復見，至有感泣者。綱：河南饑，帝問其故，羣臣皆莫對。帝曰：良由朕治道未洽，卿等又不盡職，致陰陽不和，災害荐至。自今宜各務勤恪，以應天心。母使吾民重困。

綱：詔上書言事者得專達。

英宗皇帝名頌德，八刺，仁宗嫡子。在位三年，為御史大夫，鐵失所弒。年二十一。帝性至孝，仁宗不豫，焚香告天，泣願身代。及嗣位，事多明斷，然以果於刑戮，奸黨畏誅，遂構大變。

罷元夕張燈禁中

綱：辛酉，英宗皇帝至治元年春正月，罷元夕張燈。于禁中。目：帝欲以元夕張燈，禁中為鰲山同鰲山。時張養浩以禮部尚書參議中書省事，遂具疏因拜住以諫曰：世祖臨御三十餘年，每值元夕，閭閻之間，燈火亦禁。況闕庭宮掖掖宮旁舍之嚴邃，尤當戒慎。今燈山之構，所玩者小，所繫者大。所樂者淺，所患者深。帝大怒。既而喜曰：非張希孟字養浩不敢言，即罷之。賜養浩尚服金織幣以旌其直。綱：二月，殺監察御史觀音保等。目：時敕建西山在直隸順天府城西佛寺甚亟。御史觀音保鎖咬

倭佛殺諫臣

卹孔氏子孫

兒哈的迷失成珪李謙亨以歲饑自東作春月歲功方與所當作起之事也虞書平秩東作方與上章極諫帝怒殺觀音保鎖咬兒哈的迷失杖珪謙亨流奴兒干地綱三月帝如上都。以鐵失為御史大夫領侍衛親軍都指揮使綱夏四月遷武宗子圖帖睦爾于瓊州今廣東瓊州府綱六月以只兒哈郎為平章政事。秋九月帝還大都。冬十二月立皇后亦啓烈氏。綱壬戌二年春正月敕有司卹孔氏子孫貧乏者綱二月以欽察買閭並為平章政事。夏四月帝如上

都。秋八月鐵木迭兒卒。太皇太后弘吉刺氏崩

綱九月京師地震綱冬十月以拜任為右丞相鐵木迭兒

死進拜任右丞相遂不置左相獨在以政綱復以張珪為平章政事。

綱癸亥三年春正月起王約吳元珪韓從益商議中

書省事吳澄為翰林直學士綱拜任為相即薦老臣目

時約等以年老致仕丞相拜任一新政務尊禮老臣

傳詔復起約等俾以其祿家居每日一至中書省議

事至治之政多所參酌澄延祐仁宗年號初詔起為集賢

直學士以疾不果行至是以拜任薦起為翰林直學

拜任尊禮老臣

吳澄辭序
藏經

士綱出趙世延于獄。綱二月敕寫金字藏去聲經。目時方書金字藏經。帝在上都。使左丞速速詔學士吳澄為序。澄曰：主上寫經為民祈福，甚盛舉也。若用以追薦臣所未諭，蓋福田利益，雖人所樂聞，而輪回之說，不過謂為善者死，則上通高明，其極品與日月齊光；為惡者死，則下淪污穢，其極下與沙蟲同類。其徒遂創為薦拔之論，以惑世人。今列聖之神，上同日月，何庸薦拔？且自國初以來，凡寫經追薦，不知其幾。若未效，是無佛法矣。若已效，是誣其祖矣。撰為文辭，不可

英宗不忘
先祖節儉

以示後世。綱發嚴者矣。道學之寄，豈日無人。綱三月，帝如上都。夏六月，大風拔木。綱奉元行宮正殿災。帝語去聲羣臣曰：世皇建此宮室，至朕而燬，實朕不能圖治之故也。嘗御大安閣，見太祖世祖遺衣，皆練兼絲絹也。素木綿重加補綴，拙拙嗟歎良久。謂侍臣曰：祖宗創業艱難，服用節儉，乃如此。朕焉敢頃刻忘之。綱廣觀英宗不敢忘其祖之節儉，其首方乃祖田舍翁，過於方乃祖於田舍翁者遠矣。註見三六卷十。綱義秋八月癸亥，御史大夫鐵失弒帝于南坡。及右丞相拜住，綱初鐵木迭兒既奪爵籍產，是年六月，追奪鐵木迭兒官爵籍沒。

其家鐵失等以奸黨不安。帝在上都。以夜寐不寧。命作佛事。拜住以國用不足。諫止之。既而懼誅者。復陰誘羣僧。言國當有厄。非作佛事大赦。無以禳之。拜住叱曰。爾輩不過圖得金帛而已。又欲庇有罪邪。奸黨聞之益懼。乃生異謀。至是帝自上都南還。駐蹕見六卷南坡。是夕鐵失與知樞密院事也先鐵木兒諸王。按梯不花等謀逆。鐵失先與前平章政事赤斤鐵木兒。殺右丞相拜住。而鐵失直犯禁幄。手弑帝於臥所。時年二十一。廟號英宗。國語稱曰格堅皇帝。**綱**諸王按梯不花等奉

璽綬迎晉王也。先鐵木兒裕宗之孫。晉王甘麻刺長子。襲封晉王。仍鎮北邊。

于北邊。九月。晉王即位于龍居河。赦**綱**以也先鐵木

兒為右丞相。倒刺沙為平章政事。鐵失知樞密院事。

綱冬十月。鐵失也先鐵木兒等伏誅。以烏伯都刺

為平章政事。十一月。帝至大都。**綱**追尊考晉王為

皇帝。母弘吉刺氏為皇后。顯宗

泰定皇帝。名也孫鐵木兒。顯宗之長子。裕宗之嫡孫。初嗣晉王。及英宗遇弒。以支庶入繼帝統。

在位四年。壽三十六歲而崩。帝在位災異迭見。然守成法以行。天下無事。稱治平焉。

綱甲子。泰定皇帝泰定元年春正月。以乃蠻台為平

章政事。召圖帖睦爾于瓊州。見上綱二月開經筵。及諸王大臣子孫受學。章上遂命平章政事張瑄翰林學士承旨忽都魯都兒迷失學士吳澄集賢直學士鄧文原王結等以帝範。見四五資治通鑑。見七二大學衍義。見八六貞觀政要。見六二等書進講。綱立皇后八不罕氏。立子阿速吉八為皇太子。夏四月帝如上都。大風地震。秋八月帝還大都。封圖帖睦爾為懷王。徙雲南王王禪為梁王。

綱乙丑二年春正月命懷王圖帖睦爾出居建康。今南京綱三月帝如上都。綱夏四月革大臣兼領軍務。參知政事左塔不花言大臣兼領軍務前古所無。鐵失以御史大夫也先帖木兒以知樞密院事皆領衛兵如虎而翼。見二七故成逆謀乞軍衛之職勿以大臣領之庶動舊之家得以保全從之仍賜幣帛以旌其直。綱秋九月帝還大都。冬十二月以塔失鐵木兒為右丞相。綱丙寅二年春二月以察乃為平章政事。帝如上

都 綱 秋七月帝還大都。

綱 丁卯四年春正月帝如上都。夏四月旱蝗民饑。

綱 秋八月山崩地震。閏九月帝還大都。

綱 戊辰致和元年。文宗皇帝圖帖春二月帝如上都。

命簽樞密院事燕帖木兒等居守。綱 徙懷王圖帖睦

爾于江陵。今湖廣荊州府江陵縣綱 秋七月帝崩于上都。文宗不為

立廟諡世止稱為泰定帝

王禕曰武宗以兄弟相及約繼世子孫迭居大位而仁宗惑於儉言不守宿諾傳位英宗乃使武宗二子明宗文宗出居於外及英宗遇弒而明宗在北文宗在南晉邸乘間入繼大統或謂

晉邸非所宜立雖然晉王於世祖孫也於次為長雖守藩服嘗有盟書今而國統之弗繼則求所當立者舍晉王之系將誰屬邪然則謂晉邸非所宜立者亦過也舊傳英宗之弒晉邸與聞乎故其歿不與請諡升祔之典明其為賊也然考之實錄皆不得其實傳聞之謬烏可信哉

綱 八月簽樞密院事燕帖木兒謀逆執中書省御史

臺臣烏伯都刺等下之獄遂遣使迎懷王圖帖睦爾

于江陵。綱 皇太子阿速吉八即位於上都遣梁王王

禪右丞相塔失帖木兒將兵分道討燕帖木兒。時年九歲

改元廣書皇太子書討燕帖綱 懷王圖帖睦爾入京

師。綱 以明里董阿闕闕台速速並為平章政事曹立

為右丞伯顏為御史大夫趙世延為御史中丞高昌
 王鐵木兒補化知樞密院事綱九月圖帖睦爾殺平
 章政事烏伯都剌流左丞朶朶等于遠州綱圖帖睦
 爾襲帝位綱圖帖睦爾既至燕帖木兒以為擾攘之
 際不正大位不足以係天下之志圖帖睦爾以其兄
 周王和世㻋在漠北欲虛位俟之燕帖木兒曰人心
 向背之機間不容髮一或失之噬臍無及見四七圖
 帖睦爾曰必不得已當明吾志播告中外遂即帝位
 改元天曆詔天下曰謹俟大兄之至以遂固讓之心

文宗欲虛
位俟明宗

大赦封燕帖木兒為太平王右丞相知樞密院加伯
 顏大尉綱冬十月圖帖睦爾兵陷上都梁王王禪遁
 走遼王脫脫死之帝不知所終綱十一月圖帖睦爾遷泰
 定皇后弘吉剌氏于東安州遣使迎周王和世㻋
 于漠北

明宗皇帝

名和世㻋武宗長子在
位八月為文宗所弒

綱己巳天歷二年春正月周王和世㻋稱帝于和寧之北
綱二月圖帖睦爾立其妃弘吉剌氏為皇后綱追尊
 周王母亦乞烈氏母唐兀氏並為皇后亦乞烈氏周
王母唐兀氏

圖帖睦爾追尊周王母者 **綱**三月圖帖睦爾遣燕帖

木兒奉皇帝寶赴漠北夏四月周王以燕帖木兒為

太師周王遣使立圖帖睦爾為太子以徹里帖

木兒為平章政事 **綱**秋七月太白經天 見四二 **綱**呼

天人相與之際甚可畏也是時圖帖睦爾已畜無兄

之心其謀未露而其徵已見天象昭昭特以著其骨

肉相殘之慘耳是故唐太宗之殺建成元吉而太白

見秦分圖帖睦爾之殺周王而太白經天變不虛生

哉 **綱**八月丙戌周王次旺忽察都名圖帖睦爾入見

庚寅王暴卒 廟號明宗

胡粹中日聞之故老言燕帖木兒奉上璽綬明宗從官有不為之禮者燕帖木兒且怒且懼既

立弟為太子
太白經天

而帝暴崩燕帖木兒聞哭聲即奔入帳中取寶璽扶文宗上馬南馳本史乃言皇太子入哭盡哀燕帖木兒以皇后命奉皇帝寶璽授太子其說不合豈當時忌諱有不敢明言之者歟

綱圖帖睦爾以伯顏為左丞相欽察台阿兒思蘭海

牙趙世延並為平章政事 **綱**圖帖睦爾復襲位于上

都大赦 書復襲位重貶之也圖帖睦爾篡位之心

素心也其迎兄漠北者姑欲塞人之議耳 **綱**冬

故行幄一見兄乃暴卒既沒其兄復襲其位則 **綱**冬

十二月以西僧輦真吃刺思為帝師 **綱**帝師至上命

朝臣一品以下咸郊迎大臣俯伏進觴帝師不為 去聲

動惟國子祭酒李木魯狎 冲舉觴立進曰帝師釋迦

李木魯狎
高識

綱鑑易知錄

卷九十一 元明宗

三三

加。身壽國賢人瞿曇號曰之徒。天下僧人師也。予釋迦。身壽見十四卷三。孔子之徒。天下儒人師也。請各不為禮。帝師笑而起。舉觴卒飲。眾為之栗然。

尺木堂綱鑑易知錄卷九一

尺木堂綱鑑易知錄卷九二

周之炯靜專

綱目續編定本

山陰吳乘權楚材同輯

周之燦星若

元紀

文宗皇帝 名圖帖睦爾。武宗次子。明宗之弟。初讓位於兄。尋弑之。在位五年。壽二十九歲而崩。

綱庚午。文宗皇帝至順元年。春二月。立明宗子懿璘

質班為鄜王。綱以阿卜海牙為平章政事。以伯

顏知樞密院事。罷置左丞相。夏五月。帝如上都。

加先聖父母諸賢之爵

詔董仲舒從祀孔子

以亦列赤為平章政事。秋閏七月趙世延罷。詔加孔子父母及顏回曾參孔伋孟軻程顥程頤封爵。孔子父叔梁紇痕入為啓聖王。母顏氏啓聖王夫人。顏子克國復聖公。曾子郈成國宗聖公。子思沂國述聖公。孟子鄒國亞聖公。程顥豫國公。頤洛國公。綱

八月帝還大都。綱冬十二月詔以漢董仲舒從祀孔子廟。位列七十。是年七月既加先聖父母諸賢之其兩舉皆得其當哉。使無奉佛之非則文宗庶乎其得矣。

綱辛未二年二月以伯撒里為平章政事。夏五月。

吳澄三經纂言

帝如上都。綱六月翰林學士吳澄卒。目澄泰定間謝病歸臨川。今江西撫州府。四方從學者恆數百人。著書至將終不輟。有易春秋禮記纂言及校定皇極經世書。見七

二卷。大戴禮。禮記乃七十子所撰而漢之二戴刪其重複大戴德小戴聖。等書。卒

贈臨川郡公諡文正。綱秋八月帝還大都。綱詔皇子古刺答納出居燕帖木兒家。更名燕帖木兒之子塔刺海為子。賜居第。綱冬十一月詔養燕帖木兒之子塔刺海為子。賜居第。前書詔皇帖木兒家此書詔養燕帖木兒之子為子則其冠履倒置而紀綱為之大紊矣安有已之子出居於外而人之子反養之於內乎文宗但知燕帖木兒助已之功而不知其所以敗壞國家之故知有好臣而不知

有公法也。

綱壬申三年夏五月帝如上都。秋八月京師隴西

地震。**綱**帝崩于上都。廟號文宗國語稱日扎牙篤皇帝。**綱**冬十月郿

王懿璘質班即位。**目**王明宗第二子。留居京師帝崩

燕帖木兒請皇后立皇子燕帖古思后不從命立王

時年甫七歲百司庶務咸啓皇后取進止。**綱**以撒迪

為平章政事。十一月尊皇后為皇太后。**綱**郿王薨

廟號**綱**太后遣右丞闊里吉思迎妥懽帖睦爾于靜

江。**目**明宗子妥懽帖睦爾居廣西之靜江。今桂林府。郿王

薨燕帖木兒復請立燕帖古思皇太后曰吾子尚幼

妥懽帖睦爾在廣西今年十三矣且明宗長子於理

當立乃遣闊里吉思往迎之。

順帝名妥懽帖睦爾明宗長子在位三十五年為明太祖所滅而元亡矣。

綱癸酉四年順帝元年春三月燕帖木兒死。**綱**夏五月

京師地震。**綱**六月妥懽帖睦爾即位于上都。**目**初妥

懽帖睦爾至自靜江百官具鹵簿。天子儀衛日鹵簿。迎於良

鄉。今直隸順天府良鄉縣。燕帖木兒既見並傍也。馬徐行具陳

迎立之意妥懽帖睦爾幼且畏之一無所答燕帖木

兒疑其意不可測。故至京久不得立。適太史亦言其立則天下亂。用是議未能決。遷延者數月。至是燕帖木兒死。皇太后乃與大臣定議立之。約後當傳位於燕帖古思。若武宗仁宗故事。**綱**以伯顏為太師右丞相。撒敦為太傅左丞相。**綱**時有阿魯輝帖木兒者。明宗親臣也。言於帝曰。天下事重。宜委宰相決之。庶可責其成功。若躬自聽斷。必負惡名。帝然之。由是深居宮中。每事決於宰相而已。無所專焉。**綱**秋八月立皇后伯牙吾氏。后燕帖木兒之女。**綱**奎章閣侍書學士虞集謝

虞集見發明決

病歸綱日於虞集書其官書謝**綱**冬十月封撒敦

榮王唐其勢撒敦子襲封太平王。**綱**十一月封伯顏為

秦王。是日秦州屬陝西鞏昌府山崩地裂。**綱**義廣秦州山崩地裂

所以兆其弒后殺王之虐也。天道之驗可畏哉。

綱甲戌。順帝元統二年春正月。汴梁今河南開封府雨。去血。

著衣。**綱**阿卜海牙罷。以脫別台為平章政事。**綱**三月。

天雨毛。**綱**彰德今河南彰德府路天雨毛。如線而綠。民謠云。

天雨線。民起怨。中原地。事必變。**綱**水旱疫。民饑。夏。

四月。帝如上都。**綱**秋八月。赦。是日京師地震。雞鳴山。

汴梁雨血

天雨毛

綱鑑易知錄

卷九二元順帝

四

崩。[綱]以湖廣河南自三月不雨。至於是月。及諸路旱。蝗民饑。太白屢晝。見經天。大赦天下。是日京師地震。

雞鳴山崩。陷為池。方百里。人死者衆。[義] 鳴呼。人君即位之初。而災

變之多者。未有甚於順帝也。雖欲不亡。得乎。 [綱]帝還大都。

[綱]乙亥。至元元年春二月。帝畋柳林。不果行。[綱]帝將

畋於柳林。御史臺臣諫曰。陛下春秋鼎盛。宜思文

皇付託之重。致天下於隆平。今赤縣中國曰赤縣神州之民

供給繁勞。農務方興。而馳騁冰雪之地。倘有銜糜之

變。見二十二卷 [綱]夏五月。帝如上都。

畋柳林不果

[綱]六月。唐其勢反。伏誅。秋七月。伯顏弒皇后。伯牙吾

氏。[綱]時撒敦已死。伯顏獨秉政。唐其勢忿曰。天下本

我家天下。伯顏何人而位吾上。遂與其叔父何容郡

王。答憐答里潛蓄異心。謀立諸王。是恍火帖木兒。鄰

王。撒撒禿發其謀。六月晦。唐其勢伏兵東郊。率勇

士突入宮。伯顏及完者帖木兒等掩捕。獲唐其勢。及

其弟塔刺海。誅之。答里走。晃火帖木兒所。阿魯渾察

執送上都。戮之。晃火帖木兒自殺。初唐其勢事敗。被

擒。攀折殿檻。咸上聲不肯出。塔刺海走匿。皇后座下。后

元順帝

蔽之以衣。左右曳葉。拖也。出斬之血。濺薦。灑也。激后衣。伯顏奏并執后。后呼帝曰。陛下救我。帝曰。汝兄弟為逆。豈能相救。乃遷出宮。伯顏尋殺之。於開平民舍。綱九月。帝還大都。冬十一月。以阿吉刺為平章政事。綱詔罷科舉。初。徹里帖木兒為江浙平章。會科舉。驛請試官。供張見九十一卷。甚盛。心頗不平。及復入中書。首議罷科舉。及論學校莊田租。可給宿衛士衣糧。動當國者。以發其機。又欲損太廟四祭為一。於是御史呂思誠等。列其罪狀。劾之不報。皆辭職去。而思誠出為

詔罷科舉

許有玉諫
罷科舉

廣西僉事。時罷科舉。詔已書。而木用璽參政。許有玉力爭諍之。伯顏怒曰。汝諷臺臣言徹里帖木兒邪。有壬曰。太師擢徹里帖木兒在中書。御史三十人。不畏太師。而聽有壬。豈有壬權重於太師邪。伯顏意稍解。有壬乃曰。科舉若罷。天下才人歛厥望。怨望也。伯顏曰。舉子多以賊敗。有壬曰。科舉未行時。臺中賊罰無算。豈盡出於舉子。伯顏曰。舉子中。可任用者。惟參政爾。有壬曰。若張夢臣。馬伯庸輩。皆可在大事。如歐陽玄之文章。亦豈易及。伯顏曰。科舉雖罷。士之欲求美衣

食者自能向學有壬曰為士者初不事衣食伯顏曰科舉取人實妨選法有壬曰今通事知印等天下凡二千三百餘名今歲自四月至九月白身補官受宣者亦凡七十三人而科舉一歲僅三十餘人科舉於選法果相妨乎不也伯顏心然其言而議已定不可中輟乃溫言慰解之翊日宣詔特令有壬為班首以折浙辱之有壬懼禍不敢辭治書侍御史溥化諳有壬曰參政可謂過橋拆橋者矣有壬以為大恥移疾稱疾不出綱十二月尊皇太后為太皇太后

過橋拆橋

綱丙子二年春二月追尊生母邁來的為皇后夏四月以帖木兒不花為平章政事帝如上都秋九月帝還大都綱丁丑三年春三月立皇后弘吉刺氏夏四月帝如上都綱五月民訛言采童男女民間訛言朝廷制取童男女一時嫁娶殆盡綱彗星見五卷見日凡六十有三日自昴房歷一十五宿而滅綱秋八月京師地震綱冬十月金華今浙江處士許謙卒日謙受業金履祥見上卷之門履祥曰士之為學若五味之在和去聲醯鹽既加則酸

為學若五味之在和

惟為學之功無閒斷

不教人以科舉之文

鹹頓變。子來見我三日矣。而猶夫人也。豈吾之學無以感發於子邪。謙聞之惕然。居數年。盡得其所傳之妙。履祥既沒。謙益肆充闡。多所自得。自謂吾非有大過人者。惟為學之功無閒斷。爾平生制行甚嚴。而所以應世者。不膠於古。不流於俗。屏內跡入華山。華山即金山。在金山府城北。四方之士。不遠百里而來受業。其教人至誠。諄悉。內外殫盡。獨不教人以科舉之文。曰：此義利之所由分也。不出里間。垂四十年。中外名臣列其行義章。凡數十上。郡以遺逸。應詔。有司請主文衡。皆莫能

自雲先生

致。世稱為白雲先生。卒謚文懿。先是何基、王柏。俱見同上。金履祥歿。其學猶未大顯。至謙而其道益著。同時休寧。今江南徽州府休寧縣。陳櫟。歷婺源。今徽州府婺源縣。胡一桂。皆以講明道學見重於時云。

綱 戊寅四年夏四月。帝如上都。回次八里塘。去聲。雷大如拳其狀。有小兒環玦獅豹等物之形。綱 秋八月。京師地震。帝還大都。

綱 已卯五年夏四月。帝如上都。秋八月。帝還大都。綱 冬十一月。詔以伯顏為大丞相。綱 伯顏矯詔殺郊

談王徽徵篤。伯顏構陷郟王。奏賜死。帝未允。輒傳旨殺之。又奏貶宣讓王。帖木兒不花。威順王寬徹。普化不俟命。即遣之。帝爲之不平。

綱庚辰六年春二月。伯顏有罪。黜爲河南行省左丞相。尋竄南恩州道死。伯顏既誅。唐其勢獨秉國鈞。遂專權自恣。漸有異謀。帝患之。伯顏欲以所養弟子脫脫宿衛偵見五一卷七帝起居。懼涉物議。乃以知樞密院汪家奴翰林學士承旨沙刺班同侍禁近。實屬祝意。脫脫故脫脫政令日脩。衛士拱聽約束。伯顏自

領諸衛精兵。以燕者不花爲屏蔽。導從之盛。填溢街衢。而帝儀衛反落落如晨星。勢焰薰灼。天下之人知有伯顏而已。脫脫深憂之。私請於父馬扎兒台曰。伯父驕縱已甚。萬一天子震怒。則吾族赤矣。曷若於未敗圖之。其父亦以爲然。脫脫復質於師吳直方。直方曰。傳有之大義滅親。左傳隱公四年石碏純臣也。惡州吁而厚與焉。大義滅親。其是之謂乎。大夫但知忠於國。爾餘復何顧焉。一日見帝乘開。乘。空閒處。自陳忘家徇國之意。帝猶未之信。時帝前後左右皆伯顏之黨。獨世傑班阿魯爲帝腹心。乃遣

大義滅親

二人與脫脫遊。日以忠義之言相與往復辨論。益悉其心。靡他。遂聞於帝。帝始信之無疑。及伯顏擅貶宣讓威順二王。帝不勝升其忿。決意逐之。一日泣語去聲脫脫。脫脫亦泣下。遂與世傑班等謀。欲候伯顏入朝。擒之。戒衛士嚴宮門出入。螭坳坳。堂上。坳深處也。皆為置兵。伯顏見之大驚。名脫脫責之。對曰。天子所居防禦。不得不爾。然遂疑脫脫。亦增兵自衛。至是伯顏以所領兵衛請帝出田。脫脫勸帝稱疾不往。伯顏固請。乃命太子燕帖古思出次柳林。脫脫遂與阿魯等合謀。

悉拘京城門鑰。命所親信列布城門下。是夜奉帝居

玉德殿。遣怯薛

見八五月

可察兒率三十騎抵營中

取太子入城。又名楊瑀。范匯

灰上

入草詔。數上伯顏

罪狀。出為河南行省左丞相。伯顏奏乞陞辭。不許。既

而帝以伯顏罪重。罰輕。復降詔安置南恩州。

今廣東肇慶府

陽春縣。

屬肇慶府

行次江西隆興驛。

在南昌府

病死。

綱以馬札

兒台為太師。右丞相塔失海牙為太傅。知樞密院事。

探馬赤為太保。御史大夫汪家奴為平章政事。脫脫

知樞密院。

綱彗星見。

凡三十日

綱夏五月。帝如上都。

綱

廢主遷后
詔

六月詔廢文宗廟主遷太皇太后弘吉刺氏于東安州尋崩放燕帖古思于高麗殺諸途緘詔曰昔武宗升遐見七十一卷三十太后惑於儉也俾皇考出封雲南英宗遇害我皇考以武宗之嫡逃居沙漠宗王大臣同心翊戴於時以地近先迎文宗暫總機務繼知天理人倫所在假讓位之名以寶璽來上皇考推誠不疑即立為皇太子而乃當躬迓之際與其臣月魯不花也里牙明里董阿等謀為不軌使我皇考飲恨上賓謂崩也歸而再御宸極又私圖傳子嫁禍於八不

崔敬諫遷
放太后皇
弟

沙皇后至順元年四月皇后弘吉刺氏殺明宗皇后八不沙謂朕非明宗之子出居遐陬上天不佑隨降殞罰叔嬪不荅失里帖其勢焰舍長嫡而立次幼奄復不年諸王大臣以賢以長扶朕踐祚賴天之靈權奸屏丙黜永惟鞠育罔極之恩忍忘不共戴天之義其命太常撤去圖帖睦爾在廟之主不荅失里削太皇太后之號徙東安州安置燕帖古思放諸高麗當時賊臣月魯不花等已死其以明里董阿明正典刑時監察御史崔敬言文宗既撤廟主嬪母亦削鴻名盡孝正名斯亦足矣惟念

皇弟燕帖古思年幼播遷天理人情有所不忍方先
 皇上賓皇弟尚在襁褓未有知識義當矜閔伏望陛
 下迎歸太后母子以盡骨肉之義書奏不報未幾太
 后崩於東安州燕帖古思遇害於中道綱秋八月帝
 還大都冬十月馬扎兒台罷以脫脫為右丞相鐵
 木兒不花為左丞相綱十二月詔復行科舉綱時科
 舉既輟翰林學士承旨嚶嚶從容言曰古昔取人
 材以濟世用必由科舉何可廢也帝采其論詔復行
 之

詔復行科舉

詔脩遼金三史

綱辛巳至正元年夏四月帝如上都以鐵木兒塔
 識為平章政事秋八月帝還大都
綱壬午二年夏四月帝如上都秋九月帝還大都
綱冬十二月京師地震
綱癸未三年春三月詔脩遼金宋三史綱初世祖立
 國史院首命王鶚脩遼金二史宋亡又命史臣通脩
 三史延祐年號仁宗天歷年號文宗之間屢詔脩之以義例未
 定竟不能成至是命脫脫為都總裁鐵木兒塔識張
 起巖歐陽玄呂思誠揭傒傑奚斯為總裁官脩之或欲

如晉書例以宋為世紀而遼金為載紀或又謂遼立國先於宋五十年宋南渡後嘗稱臣於金以為不可待制王理者祖脩端之說著三史正統論欲以遼金為北史太祖至靖康欽宗年號為宋史建炎高宗年號以後為南宋史一時士論非不知宋為正統然終以元承金金承遼之故疑之各持論不決詔遼金宋各為史凡再閱歲書成上之發凡舉例論贊表奏多玄屬祝筆焉綱夏四月帝如上都秋八月帝還大都綱冬十月親祀太廟綱帝行禮至寧宗室問曰朕寧宗兄也

理當拜否太常博士劉聞對曰寧宗雖弟其為帝時陛下為臣春秋時魯僖公閔公兄也閔公先為君宗廟之祭未聞僖公不拜陛下當拜乃拜之綱十二月以別兒怯不花為左丞相鐵木兒不花罷綱徵清江清江處士今江西臨江府清江縣處士杜本不至綱本在武宗時嘗被召至京師即歸隱武夷山在福建建寧府崇安縣中文宗聞其名徵之不起至是脫脫薦之名為翰林待制兼國史院編脩官使者趣促至杭州今浙江杭州府稱疾固辭既又徵處士完者圖執禮哈即董立李孝光張樞樞辭不至

詔以完者圖執禮哈即為翰林待制立脩譏孝光著作郎或疑其太優右丞相鐵木兒塔識曰隱士無求於朝廷朝廷有求於隱士區區名爵何足吝惜識者誦之。

綱甲申四年春二月以賀惟一為平章政事既而以大夫故事臺省正官非國姓不可惟一固辭詔賜姓名曰太平綱三月以納麟為平

章政事夏四月帝如上都五月脫脫罷以阿魯圖為右丞相綱秋七月溫州今浙江溫州府地震海溢綱八月帝還大都

綱乙酉五年夏四月帝如上都綱五月翰林學士承旨嚳嚳卒目初嚳嚳知經筵日勸帝就學帝欲寵以師禮固辭不可帝嘗欲觀畫嚳嚳取比干圖以進一日帝覽宋徽宗畫稱善嚳嚳進曰徽宗多能惟一事不能帝問一事謂何對曰獨不能為君爾身辱國破皆由不能為君所致凡為人主貴能為君他非所尚也其隨事規諫皆類此嘗謂人曰天下事宰相當言宰相不得言則臺諫言之臺諫不敢言則經筵言之備位經筵得言人所不敢言於天子之前志願足矣

嚳嚳進比干圖

宋徽宗獨不能為君

綱鑑易知錄 卷九二 元順帝 十四

故於時政得失有當匡救者未嘗緘默至是卒綱秋
七月以鞏上班為平章政事八月帝還大都綱九
月遣使巡行上天下目時諸道奉使者皆與臺諫交
相揜蔽惟巡京畿道西臺中丞定定集賢侍講學士
蘇天爵糾舉無所避凡興革者七百八十三事糾劾
凡百四十三人都人稱天爵為包拯見六九天爵亦
竟以忤時相罷去
盜竊太廟
主 綱丙戌六年夏四月帝如上都五月盜竊太廟神
主秋八月帝還大都冬十二月阿魯圖罷

蘇天爵比
包拯

盜竊太廟
主

綱丁亥七年春正月朔日食目是日大寒而風朝官
仆者數人綱二月山東地震目壞怪城郭有聲如雷
三月東平今山東兗州府東平州又震河水動搖綱夏四月帝
如上都綱六月復以太平為平章政事秋九月帝
還大都鐵木兒塔識卒以朶兒只為左丞相冬
十月沿江兵起綱十一月詔選臺閣名臣出為守令
綱戊子八年春三月帝臨國子學目賜衍聖公銀印
陞秩從二品定弟子員出身及省醒親奔喪等制綱
帝如上都夏五月霖雨山崩江溢秋八月帝還

沿江兵起

賜衍聖公
銀印

大都綱奎章閣侍書學士致仕虞集卒目諡文靖集

性孝友學博洽而究極本源研精探微心解神契其

經綸之妙一寓諸文頗有宋慶歷宋仁宗年號乾淳乾道淳熙

方國珍兵起

俱南宋孝宗年號風烈綱冬十一月台州今浙江台州府方國珍兵

起綱以太不花忽都不花並為平章政事

綱已丑九年夏四月以欽察台為平章政事帝如

襄陽童子暴長

上都綱棗陽童子暴長目棗陽今湖廣襄陽府棗陽縣民張氏

婦生男甫及周歲暴長四尺許容貌異常膳腹腹大

也左傳宣公也腫見人嬉笑如世俗所畫布袋和

尚云綱秋七月朶兒只太平俱罷以脫脫為右丞相

綱八月以伯顏為平章政事

綱庚寅十年春正月以朶思監為平章政事夏四

月帝如上都綱六月有星入于北斗目大如月震聲

如雷綱秋八月帝還大都冬十月方國珍攻溫州

綱辛卯十一年天完主徐壽輝治平元年夏四月詔脩河防左遷

工部尚書成遵為河閒鹽運使以賈魯為總治河防

使目初黃河決脫脫集羣臣廷議言人人殊惟漕運

使賈魯以為必塞北河疏南河使復故道役不大興

斗有星入北

掘井測岸

害不能已。於是遣工部尚書成遵與大司農禿魯行
上聲也。視河議其疏塞之方以聞遵等自濟 濟今山東
州。濩昌府濮州。汴梁見上大名今直隸 大名今直隸 行數千里。
掘井以量平聲地之高下。測岸以究水之淺深。博采輿
論。以謂河之故道斷不可復。且曰。山東連歉。民不聊
生。若聚二十萬衆於此地。恐他日之憂。又有重於河
患者。時脫脫先入魯言。及聞遵等議。怒曰。汝謂民將
反邪。自辰至酉。論辨終莫能入。明日執政謂遵曰。脩
河之役。丞相意已定。且有人任其責。公勿多言。幸為

河南北童謠

兩河之議。遵曰。腕可斷。短議不可易。遂出遵河開直
隸河鹽運使。詔開黃河故道。命魯以工部尚書充河
防使。河南北兵民十七萬。自黃陵岡南達白茅。放
於黃岡。哈只等口。又自黃陵西至陽青村。凡二百八
十里。有奇。雜興功凡五閱月。諸埽掃隄低。隄成。河
復故道。超授魯集賢大學士。賜脫脫世襲荅刺罕之
號。其餘遷賚有差。先是河南北童謠云。石人一隻眼。
挑動黃河天下反。及魯治河。果於黃陵岡得石人一
眼。而汝穎之兵起。綱帝如上都。綱五月。穎州劉福通。

劉福通李
二徐壽輝
等兵起

蕭縣李二。羅田徐壽輝等兵起。先是四方盜賊蜂起。有司不能制。及發丁夫開河。民心益愁怨。思亂有韓山童者。欒城今直隸真定人。自其祖父以白蓮會燒香惑眾。謫徙永平今直隸永平府。至是山童倡言天下大亂。彌勒佛下生。河南及江淮愚民翕然信之。潁州屬江南鳳陽府劉福通與杜遵道羅文素盛文郁王顯忠韓咬兒復詭言山童實宋徽宗八世孫。當為中國主。遂同起兵。以紅巾為號。縣官捕之急。山童就擒。其妻楊氏及其子韓林兒逃之武安今湖廣長沙府。惟福通黨盛不可

饒信等路
雨黍

制。朝廷乃命同知樞密院禿赤以兵擊之。福通既破潁州。遂據朱臯即平臯。今河南南陽府裕州有平臯城。攻羅山上蔡真陽確山四縣俱屬河南汝寧府。諸縣。尋犯舞陽葉攝。二縣俱屬南陽府。縣。陷汝寧府及光今汝寧府光州息今汝寧府息縣二州。眾至十萬。蕭縣屬江南徐州李二號芝麻李。亦以燒香聚眾。與其黨趙均用彭早住攻陷徐州。據之。羅田今湖廣黃州府羅田縣徐壽輝與倪文俊鄒普勝等聚眾舉兵。亦以紅巾為號。攻陷蘄水縣屬黃州府及黃州路。綱。秋八月。帝還大都。綱。冬十月。饒信等雨去聲黍。回信州今江西廣信府及邵武今福建邵

徐壽輝稱帝

武雨黍粟屬苗似蘆高丈餘穗黑色實圓饒州今江西府重土宜高燥以大暑而種故名黍建寧今福建府建寧府雨黑子大如黍菽也衢州今浙江黍民多取而食之綱徐壽輝稱帝于蕪水都國號天完自稱皇帝綱十一月有星孛于西方

綱壬辰十二年春正月徐壽輝兵破漢陽今湖廣諸

郡威順王寬敬普化等棄城走二月破江州今江西

總管李黼死之綱以月魯不花為平章政事綱定遠

郭子興兵起破濠州

今江南鳳陽府定遠縣郭子興等兵起破濠州即鳳陽府目子興見汝穎兵起列郡騷動遂與其黨孫德崖等舉兵自稱

秦不華死節

元帥攻拔濠州據之徹里不花率兵欲復濠城憚不敢進惟日掠良民為盜以徼邀賞由是民益恟恟不安其豪傑咸投入城以自保綱三月徐壽輝破袁今江西瑞今江西饒今江西信俱見徽今江南等州綱詔省臺官兼用南人目自世祖以後臺省之職南人斥不用至是始復舊制詔南人有才學者並許用之綱台州見上路達魯花赤見三四秦不華與方國珍戰于澄江死之目先是國珍入海燒掠沿海州郡朝廷遣大司農達識帖木邇招降之至是朝廷方征徐州命江

死猶植立不什

浙募舟師北守大江國珍懷疑復劫其黨入海泰不
 華遣義士王大用往諭國珍拘畱不遣其戚黨陳仲
 達往來議降泰不華具舟張受降旗乘潮下澄江觸
 沙不行垂與國珍遇呼仲達申前議仲達目動氣索
 泰不華覺其心異手斬之即前薄博通也賊船奮擊之
 賊羣至欲抱持入其船泰不華瞋稱人反目怒而張此
 之奪刀殺賊賊攢槊刺之中頸死猶植立不什投其
 屍海中事聞追贈江浙平章封魏國公諡忠介綱隴
 西今陝西鞏昌府隴西縣地震凡百餘日城郭頽圯瘡也陵

谷變遷定西

今鞏昌府安定縣

會州

今鞏昌府會寧縣

尤甚會州公

宇牆崩獲弩五百餘長者丈餘短者九尺人莫能挽

因改定西為安定州會州為會寧州綱夏四月帝如

上都綱五月徙瀛國公

見九十四卷二四

子趙完普等于沙州

御史徹徹帖木兒等言諸處羣盜輒引亡宋故號

以為口實宜徙和尚完普及親屬於沙州

今陝西行都司沙州

安置禁人交通從之綱秋七月徐壽輝兵襲杭州

江浙參知政事樊執敬戰死董搏霄率兵復之遂復

徽州八月方國珍攻台州浙東元帥也忒迷失擊

走之。綱右丞相脫脫將諸軍擊李二於徐州。大破之。

屠其城。芝麻李遁去。趙均綱帝還大都。綱冬十月霍

山。即南嶽衡山一名天柱山崩。目前三日山如雷鳴

禽獸驚散。殞石數里。綱十一月江西行省平章政事

星吉擊趙普勝。戰于湖口。兵敗。死之。綱趙均用入濠

州據之。彭早住趙均用奔濠州。遂據濠城。稱王。初二

下之事皆稟命。遂為所制。既而早住死。均用益自專。

綱癸巳十三年春正月以哈麻為右丞。夏四月帝

如上都。綱五月泰州張士誠兵起于高郵。由自稱誠

星吉死節

張士誠起兵高郵

王知府李齊死之。目士誠白駒場亭民及其弟士德

士信舉兵陷泰州。屬江南遂據高郵。今揚州府稱誠

王國號大周。建元天祐。已而有詔赦之。使至不得入。

賊給臺。上聲。誰也。言請李知府來。乃受命。淮南治揚州府行省

強齊往。至則下齊於獄。齊雖辯說百端。而士誠本無

降意。士誠呼齊使跪。齊叱曰。吾膝如鐵。豈為賊屈。士

誠怒。使曳葉倒槌碎其膝。而寡之時論大科三魁。

若李黼。見上泰不華。見上及齊皆不負所學云。綱六

月立子愛猷。識理達臘為皇太子。赦。秋九月帝還

吾膝如鐵

大科三魁不負所學

哈麻進西
番僧
演揲兒法

大都。冬十二月江浙平章政事卜顏帖木兒等會
兵擊徐壽輝于蘄水。見上破之。**綱**哈麻進西番僧于
帝。回僧教帝行房中運氣之術。號演揲兒法。又進
僧伽。茄璘真善秘密法。帝皆習之。詔以西番僧為司
徒。伽璘真為大元國師。各取良家女三四人奉之。謂
之供養。嘗謂帝曰。陛下尊居萬乘。富有四海。不過保
有見。現世而已。人生能幾何。當受此秘密大喜樂禪
定。於是帝日從事於其法。廣取女子。惟淫戲是樂。帝
諸弟八郎者。與哈麻妹婿秃魯帖木兒及老的沙等

皆即元該

冰五色

十人。號倚納。皆有寵。在帝前相與褻狎。甚至男女裸
處。號所處室。曰皆即元。該猶華言事事無碍也。君臣
宣淫。而羣僧出入禁中。無所禁止。醜穢外聞。皇太子
既長。深疾二僧等所為。欲去之。未能也。**綱**郭子興引
兵入滁州。**目**時子興患趙均用之專。乃領所部萬人
入據滁。除州屬江城稱王。
綱甲午十四年春正月汴河。在河南開封府城西。冰五色。**目**冰
皆成五色花草如繪畫。三日方解。**綱**夏四月帝如上
都。秋八月帝還大都。**綱**九月命右丞相脫脫督諸

軍擊張士誠綱冬十二月以定住為左丞相瑣南班

哈麻並為平章政事綱詔削脫脫官爵安置淮安

哈麻 銜脫脫喉御史劾其出以太不花等代總其軍綱帝

製龍舟於內苑

製龍舟於內苑目帝自製船式長一百二十尺廣二

十丈用水手二十四人皆衣金紫自後宮至前宮山

下海子內往來游戲行時龍首眼口爪尾皆動又自

製宮漏高六七尺廣半之造木為匱藏壺其中運水

上下匱上設三聖殿匱腰立玉女捧時刻籌時至輒

宮漏

浮水而上左右二金甲神一縣懸鍾一縣鉦征也夜

十六天魔

則神人自能按更耕而擊無分毫差鳴鐘鉦時獅鳳

在側者皆自翔舞匱之東西有日月宮飛仙六人立

宮前遇子午時自能耦進度仙橋達三聖殿復退立

如前其精巧絕出人意皆前所未有帝既怠於政治

惟事遊宴以宮女十六人按舞名十六天魔又十一

人奏龍笛頭管小鼓箏篋琵琶笙胡琴響板拍板每

宮中讚佛則按舞奏樂宦官非受秘密戒者不得與

綱乙未十五年宋主韓林兒春二月劉福通以韓林

兒稱宋帝又號小明王建都亳綱三月竄脫于雲

韓林兒稱宋帝

薊州雨血

南臺臣猶論其綱薊計州屬直隸雨去血綱帝如上

都綱夏四月以定住為右丞相哈麻為左丞相桑哥

失里為平章政事雪雪為御史大夫雪雪哈麻弟於

明太祖起

歸其兄弟矣綱六月明太祖皇帝起兵自和陽渡江取太

平路目時四方割據稱雄者衆戰爭無虛日兵亂歲

饑民不聊生壬辰春明太祖皇帝姓朱名元璋濠州人避兵濠

濠州見上十八城有安天下救生民之志乃收納英賢置之

左右遂起兵攻滁州見上下之明年又下和陽恩威日

著豪傑歸心至是謀渡江取金陵今江南京南府患無舟楫

而巢湖見上八水寨軍帥俞通海等率眾萬餘船千

艘來降太祖顧謂諸將曰方謀渡江而巢湖水軍來

附吾事濟矣遂率徐達馮國用邵榮湯和李善長常

遇春鄧愈耿君用毛廣廖料永安引舟東下首克牛

渚磯見上二一九遂進攻太平見上拔之耆儒陶安李習

率父老出迎安因獻言曰方今四海鼎沸豪傑並爭

攻城屠邑互相長雄然其志皆在子女玉帛取快一

時非有撥亂救民安天下之心明公率眾渡江神武

不殺人心悅服以此順天應人而行弔伐天下不足

陶安獻言

綱鑑易知錄 卷之二十一

平也。綱冬十一月。荅失八都魯擊宋劉福通軍破之。

十二月。遂圍亳。今江南鳳陽府亳州。福通以其主韓林兒走安

豐。漢縣故城在鳳陽府壽州。綱元哈麻矯詔殺右丞相脫脫

綱丙申十六年春正月。元哈麻雪雪有罪伏誅。綱天

完主徐壽輝據漢陽。今湖廣漢陽府。綱二月。張士誠入平江。

今江南蘇州府。據之。遂陷湖州松江常州諸路。綱三月。明太祖帥師克金

陵。改集慶路為應天府。諸軍水陸並進。至江寧鎮。

攻陳兆先營破之。進圍集慶南臺御史大夫福壽督

為應天府

兵出戰力不能支。死於兵。太祖入城。召官吏耆老諭

曰。吾率眾至此。為民除亂耳。爾宜各安職業。毋恐於

是。民大悅。更相慶慰。遂改集慶路為應天府。分遣諸

將取鎮江。今江南鎮江府。廣德。今江南廣德州。皆下之。綱方國珍降

于元。命為海道漕運萬戶。綱是月有兩日相盪。蕩

夏六月。彰德。見上。李實如黃瓜。目先是童謠云。李生

黃瓜。民皆無家。綱秋八月。彗星。見上。目彗出張宿

色青白。指西南。長尺餘。至十二月朔始滅。綱冬十月。

星隕大名。今直隸大名府。化為石。目從東南流。彗尾如曳。異

箠。遂。竹。墮地有聲。火焰蓬勃。久之乃息。化為石。青

星隕化石

李實如黃瓜

兩日相盪

綱鑑易知錄

卷之二十一 元順帝

二五

黑色形如狗頭其斷處若新割者。

綱丁酉十七年春正月朔日食。綱三月明太祖兵克

常州。目先是徐達攻常州。今江南常州府進薄。博。城下張

士誠遣其弟士德以數萬眾來援。達伏兵擒之。由是

士誠氣沮。乃奉書請和。願輸糧犒軍。太祖復書數其

開釁召兵之罪。且許其歸。我使臣將校。即當班師。士

誠得書不報。達請益兵圍之。遂下其城。綱夏五月。元

以搆思監為右丞相。太平為左丞相。綱明太祖取寧

國等路。目徐達常遇春率兵取寧國。今江南寧國府攻之久

不下。太祖乃親往督師。既至。守臣楊仲英開門請降。

百戶張文貴殺其妻妾自刎而死。尋遣諸將取江陰

江陰縣。徽州。池州。今江南池州府皆下之。綱六月

有龍鬬于樂清江。綱秋七月。元大都晝霧。自且至午昏暝不辨

人物。如是者。綱八月。張士誠降于元。元以為太尉。

明太祖取揚州。綱九月。天完將陳友諒襲殺倪文俊。

目友諒。沔陽。今湖廣安陸府沔陽州漁人子。嘗為縣吏。不樂

會壽輝文俊兵起。慨然往從之。遂為文俊簿書掾。視

屬。尋亦領兵為元帥。及文俊專恣。心不能平。至是文

節張文貴死

天完將陳友諒

俊謀殺壽輝不果奔黃州。今湖廣黃州府友諒因乘釁襲殺

之遂併其軍自稱平章。綱冬十一月汾州今山西汾州府

桃杏有花。綱十二月天完將明玉珍據成都目玉珍

天完將明玉珍

隨州。屬湖廣德安府人初聞徐壽輝兵起乃集鄉兵屯於青

山結柵自固未幾降於壽輝及倪文俊陷川蜀。今四川成都府

都令玉珍守之至是文俊死玉珍遂自據成都蜀中

郡縣皆附之。綱元翰林學士承旨歐陽玄卒

綱戊戌十八年春正月天完將陳友諒破安慶元淮

余闕死節

今江南安慶府

友諒引軍薄。博逼也城下闕遣兵扼之俄而饒寇攻西

門友諒兵乘東門既登城闕簡死士奮擊敗之至是

池州趙普勝軍東門友諒軍西門饒兵軍南門四面

蟻集闕徒步提戈為士卒先分遣部將督三門之兵

自以孤軍血戰斬首無算而闕亦被十餘創。鏑鎗本字日

中城陷火起闕知不可為乃引刀自剄墮清水塘中

死妻蔣氏及妾耶卜耶律氏子德臣女安安甥福童

亦皆赴井死同時死者守臣韓建一家被害居民誓

不從賊焚死者以千計

余闕一門死節

余闕較勝
卞壺

董搏霄死
節

宋氏濂曰闕獨守孤城逾六年小大二百餘戰
戰必勝其所用者不過民間兵數千初非有熊
虎之師直激之以忠義故甘心效死而不可奪
也雖不幸城陷以死而其忠精之氣固自若也
然闕死於君而能使妻死於夫子死於父忠道
貞節萃於一門較之晉卞壺又似過之矣嗚呼
闕其人卞壺見三
豪也哉卞壺見三

綱三月宋毛貴破濟南路元河南行省右丞董搏霄
與戰死之。目濟南今山東濟南府城陷貴入據之時搏霄方
駐於南皮今直隸河間府南皮縣之魏家莊詔遣使拜為河南
右丞甫拜命值貴兵猝至而營壘猶未完諸將曰賊
至當如何搏霄曰當以死報國因拔劍督戰賊突前

無血惟見
白氣冲天

空中如有
兵戈之聲

搏霄刺殺之無血惟見白氣冲天是日其弟昂
霄亦死。綱大同路治山西大同府夜聞空中有聲。目初黑氣
蔽西方有聲如雷頃之東北方有雲如火交射石中
天遍地俱見現火光空中如有兵戈之聲。綱夏四月
天完將陳友諒破龍興今江西南昌府。綱五月宋劉福通破
汴梁見上。綱奉其主韓林兒居之。綱山東地裂。綱六月
宋將關先生兵破遼州屬山西。遂大掠塞外諸郡。綱冬
十一月元左丞相搠思監有罪免以紐的該為左丞
相。綱十二月明太祖取婺州務州。目胡大海兵攻婺州。

明取婺州
開郡學

今浙江久不克。太祖乃自將精兵十萬往征。拔之。改
金華府。婺州路為寧越府。命知府王宗顯開郡學。延儒士葉
儀宋濂為五經師。戴良為學正。吳沉徐原等為訓導。
時喪亂之餘。學校久廢。至是始聞絃誦之聲。無不忻
悅。太祖既撫定寧越。欲遂取浙東。未下。諸郡集諸將
諭之曰。克城雖以武。而安民必以仁。吾師比入建康。
即金陵。見上二四。秋毫無犯。故一舉而遂定。今新克婺城。民
始獲甦。政當撫卹。使民樂於歸附。則彼未下郡縣亦
必聞風而歸。吾每聞諸將下一城得一郡。不安殺人。

明太祖諭
諸將

方國珍附
明太祖

輒喜不自勝。升蓋師旅之行勢如烈火。火烈則人必
避之為將者能以不殺為心。非惟國家所利。在已亦
蒙其福。爾等從吾言。則事不難就。大功可成矣。綱宋
關先生兵破上都。焚宮闕。綱太白經天。見上卷
綱已亥。十九年春。三月。元方國珍遣使以溫台慶元
三郡附於明太祖。先是太祖遣使往慶元。今浙江
招諭方國珍。國珍與其下謀曰。方今元運將終。豪傑
並起。惟江左號令嚴明。所向莫敵。今又東下婺州。恐
不能與抗。況與我為敵者。西有張士誠。南有陳友諒。

為質子

來獻

高光有所不及

莫若姑示順從。藉為聲援。以觀其變。遂遣使奉書幣。以溫今浙江溫州府。台今浙江台州府。慶元三郡來獻。且以次子關為質。至。太祖曰。古者慮人不從。則為盟誓。盟誓變而為交質。皆由未能相信故也。今既誠信來歸。便當推誠相與。如青天白日。何自懷疑。而以質子為哉。乃厚賜關而遣之。國珍既又以金玉飾馬鞍轡來獻。太祖曰。吾方有事四方。所需者文武材能。所用者穀粟布帛。其他寶玩非所好也。悉却之。廣帝王之興。識見自義爾。超卓異常。觀我太祖之待國珍。則知漢之高光有所不及矣。嗚呼。休哉。**綱**夏四月。趙均用殺宋

毛貴其黨續繼祖執均用殺之。**綱**六月。天完將陳友

諒攻信州。今江西廣信府。元江東廉訪使伯顏不花的介往

救死之。**綱**秋八月。元察罕帖木兒克汴梁。見上宋劉福

通以其主韓林兒復走安豐。見上**綱**九月。明太祖兵

取衢處州。今浙江衢州處州二府**綱**初。太祖克婺州。置分中書

省。召儒士許元葉瓚玉胡翰汪仲山李公常金信徐

孳童冀吳履張啓敬孫履皆會食省中。日令二人進講經史

講經史。敷陳治道。至是克處州。又有薦青田今處州府青田

縣劉基龍泉今處州府龍泉縣章溢麗水今處州府麗水縣葉琛及

禮賢館

陳友諒稱
帝國號漢

宋濂者。即遣使以書幣徵之。至建康。比入。見甚喜。賜坐。從容與論經史。及咨以時事。深見尊寵。既而命有司。即所居之西。創禮賢館。處之。時朱文忠守金華。復薦王禕。王天錫。至皆用之。

綱冬十二月。天完將陳友諒。徙其主徐壽輝都江州。今江西九江府。自稱漢王。

綱庚子二十年。漢主陳友諒大義元年。是歲天完亡。凡二國。春三月。彗見東方。

綱夏五月。漢主陳友諒弑其主徐壽輝。遂自稱帝。國號漢。改元大義。

綱辛丑二十一年。秋八月。明太祖帥師伐漢。拔江州。

漢主友諒走武昌。先是友諒引兵犯金陵。敗潰。會奔還。尋遣其將張定邊陷安慶府。見上。二六。太祖乃下令諸將曰。陳友諒賊殺其主。僭稱大號。侵我太平。今江平。犯我建康。即金陵。今又以兵陷我安慶。觀其所為。不滅不已。爾等其厲士卒以從。徐達進曰。師直為壯。見十卷。今我直而彼曲。焉有不克。劉基曰。取威制敵。以成王業。在此時也。遂督諸帥率舟師。乘風溯流。逆流也。而上。遂克安慶。長驅向江州。分舟師為兩翼。夾擊友諒。大破之。友諒挈妻子夜奔武昌。今湖廣武昌府。既而友諒

黃河清

長星如練
長數十丈

偽相胡廷瑞見江州已破遣使詣軍中請降太祖遂
至龍興見上建昌今江西建昌府王溥饒州今江西饒州府吳宏袁
州今江西袁州府歐普祥各率眾來見寧州屬南陳龍及吉
安今江西吉安府孫本立曾萬中皆來降乃改龍興路為洪
都府綱冬十一月黃河清目自平陸今山西平陸縣三
門蹟陸縣即底柱峰在平陸縣東南黃河中流下至孟津見二卷五百里
皆清凡七日非瑞也見七四綱大饑
綱壬寅二十二年春二月彗星見目未幾長星復見
於虛危之間其形如練長數十丈綱三月明玉珍破

雲南夏五月自稱隴蜀王綱六月彗出紫微垣見上

明玉珍稱
帝國號夏

明太祖鄒
陽湖之捷

綱癸卯二十三年夏玉明玉珍天統元年吳玉張士春
正月明玉珍稱帝于成都建國號曰夏綱二月張士
誠將呂珍入安豐見上殺宋劉福通等據其城明太祖
率兵擊走之綱三月彗見東方綱秋七月漢主友諒
圍洪都明太祖帥諸將討之大戰于鄱陽湖友諒
敗死子理立目初友諒忿其疆場日蹙乃作大艦咸
戰船來攻洪都見上自為必勝之計載其家屬百官空

國而來。以兵圍城。其氣甚盛。兵戴竹盾。閩上禦矢石。攻城。城且壞。守將朱文正。趙德勝。鄧愈。督諸將死戰。且戰且築。城壞復完。已而德勝中流矢死。內外阻絕。音問不通。文正乃遣使赴建康告急。太祖親帥諸將發舟師二十萬。進次湖口。友諒聞援兵至。即解圍東出。與我師遇。鄱陽湖。在江西饒州府鄱陽縣。跨南昌。饒州南康三府之地。即彭蠡也。之康郎山。戊子。徐達常遇春等諸將擊敗其前軍。軍威大振。明日。諸軍接戰。至曉。補平聲。申時。東北風起。燔其水寨。舟數百艘。友諒弟友仁。友貴。及其平章陳普略。

皆焚死。辛卯。復聯舟大戰。自辰至午。敵兵大敗。友諒奪氣。其將張定邊欲挾之退。保鞋山。為我師所扼。不得出。斂舟自守。不敢戰。是夕。明舟渡淺。泊於左蠡。里彭蠡。之左。與友諒相持者三日。八月壬戌。友諒計窮。冒死突出。將奔還武昌。見上。太祖麾諸將邀擊之。友諒中流矢。貫睛及顛。盧頭骨。而死。擒其太子善兒。其平章陳榮以下。悉以樓船軍馬來降。定邊乘夜以小舟載其屍。及其子理。徑趨武昌。復立理為帝。改元德壽。既而明太祖復進兵圍之。綱張士誠自稱吳王。元遣使徵糧。

赤氣千里

不與。士誠自立為吳王。即平江治宮室。立宮屬元。遣戶部侍郎博羅帖木兒徵糧於士誠。士誠不與。

綱冬十月山東赤氣千里

綱甲辰二十四年。漢主陳理德壽元年。是歲漢亡。春正月明太祖

明太祖建國號吳

建國號曰吳。二月自將伐漢。漢主陳理降。湖廣江西

悉平。目時李善長徐達等以太祖功德日隆。屢表勸

進。勸勉進上。帝號也。不允。乃於是月朔即吳王位。建百司官

屬。以李善長為右相國。徐達為左相國。常遇春俞通

海為平章政事。汪廣洋為右司郎中。張昶明為左司

都事。諭達等曰。卿等為生民計。推戴予。然建國之初。

當先正紀綱。元氏昏亂。紀綱不立。主荒臣專。威福下

移。由是法度不行。人心渙散。遂致天下騷亂。今將相

大臣當鑒其失。宜協心為治。以成功業。母苟口因循

取充位而已。二月以武昌圍久不下。乃親往視師。督

諸將擊之。擒其元帥張必先。既而遣其降將羅復仁

入城諭陳理使降。理遂率其太尉張定邊等詣軍門

請降。凡府庫儲蓄悉令理自取。城中民多飢困。命給

粟賑之。於是湖廣江西諸郡縣相繼皆降。江西行省

以陳友諒鑊金牀進。太祖觀之。謂侍臣曰。此與孟昶

陳友諒鑊金牀

七寶溺器見六四卷二二何異以一牀工巧若此其餘可知
陳氏父子窮奢極靡焉得不亡侍臣曰未富而驕未
貴而侈此所以取敗太祖曰既富豈可驕既貴豈可
侈有驕侈之心雖富貴豈能保乎即命毀之綱三月
明太祖定官制

日旁有一
月一星
大都雨聲

綱乙巳二十五年春二月日旁有一月一星綱夏五
月大都雨去聲卷三十四日長尺許或曰龍鬚也命拾
而祀之綱秋七月元皇后弘吉刺氏崩綱九月元以
方國珍為淮南左丞相分省綱冬十二月元立奇氏

為皇后改奇氏為
肅良哈氏

綱丙午二十六年是歲
宋亡春三月夏主明玉珍卒子昇

明太祖求
遺書

立昇嗣始十歲改元開
熙母彭氏同聽政綱夏四月明太祖兵取淮安
諸路綱五月明太祖求遺書太祖嘗命有司訪求

古今書籍藏之祕府以資覽閱因謂侍臣詹同等曰
三皇五帝之書不盡傳於世故後世鮮知其行事漢
武帝購求遺書而六經始出唐虞三代之治始可得
而見武帝雄才大略後世罕及至表章六經開闢聖
賢之學又有功於後世吾每於宮中無事輒取孔子

之言觀之如節用而愛人使民以時真治國之良規
孔子之言誠萬世之師也綱秋八月元以陳有定為
福建行省平章政事綱九月元以方國珍為江浙行
省左丞相其弟國瑛國珉姪明善並為平章政事綱明太祖取湖州今
明太祖立宗廟社稷江浙州府諸路綱冬十二月明太祖立宗廟社稷國時羣
臣皆言新城既建宮闕制度亦宜早定太祖以國之
所重莫先宗廟社稷遂定議以明年為吳元年命有
司立廟社建宮室典營繕者以宮室圖進見其有雕
琢奇麗者即去之謂中書省臣曰昔堯之時茅茨慈

明太祖立宗廟社稷

以茅蓋屋曰茨土階采椽不斲取木為椽不斲削也可謂極陋然千古
之上稱盛德者必以堯為首後世競為奢侈極宮室
苑囿之娛魚窮輿馬珠玉之玩欲心一縱亂由是起
吾常謂珠玉非寶節儉是寶宮室但取完固而已何
必極雕巧以殫天下之力也既而新殿成制皆朴素

節儉是寶

命博士熊鼎編類古人行事可為鑒戒者書於殿壁
又命侍臣書大學衍義見八卷二於兩廡壁間曰前代
宮室多施繪畫予書此以備朝夕觀覽豈不愈於丹
青乎尋命協律郎冷謙考正宗廟雅樂音律及鐘磬

書此愈於丹青

等器。既又定樂舞之制。文武生各六十四人。

綱丁未二十七年。夏主明昇開熙元年。春正月。絳州

屬山西平陽府。夜聞天鼓鳴。將旦復鳴。其聲如空中戰鬪者。

綱三月。明太祖定文武科取士之法。**目**先是。令有司

每歲舉賢才。及武勇謀略。通曉天文之士。其有兼通

書史。廉吏。亦得薦舉。得賢者賞。濫舉及蔽賢者罰。至

是復下令曰。上世帝王創業之際。用武以安天下。守

成之時。講武以威天下。至於經綸撫治。則在文臣。二

者不可偏用也。古者人生八歲。學禮射御書數之文。

明太祖定
文武科取
士之法

十五。學修身齊家治國平天下之道。是以周官選舉

之制。曰六德。知仁聖義忠和六行。孝友睦婣任恤六藝。禮樂射御書數文武

兼用。賢能並舉。此三代治化所以盛隆也。茲欲上稽

古制。設文武二科。以廣求天下之賢。其應文舉者。察

之言行。以觀其德。考之經術。以觀其業。試之書算。以

觀其能。策之經史時務。以觀其政事。應武舉者。先之

以謀略。次之以武藝。俱求實效。不尚虛文。然此二者

必三年有成。有司預為勸諭。民間秀士。乃智勇之人。

以時勉學。俟開舉之歲。充貢京師。其科目等第各出

身有差綱。秋九月，明太祖兵克平江。見上執吳王張士誠以歸。徐達常遇春執士誠自縊死綱冬十月，明太祖命大將軍徐達等帥師北定中原。目太祖既掃除羣雄，撫有江南，乃遣大將軍徐達、副將軍常遇春率甲士二十五萬北伐，以定中原。馳檄吸諭齊魯、河洛、燕、薊、計秦、晉之人。綱明太祖定律令，十一月頒戊申曆。綱明太祖兵討方國珍，降之。綱明太祖兵徇日徇山東郡縣皆下之。目時徐達常遇春引兵由淮入河，鼓行而東，首克沂州。屬山東進取嶧州。今兗州府澤縣及益都。今

東青州府於是萊州。今山東萊州府諸郡悉奉圖籍來降。○山東既定，明年達與遇春會諸將於臨清。今山東昌府臨清州率馬步舟師進克元都。元主集三宮后妃皇太子同議避兵北行，詔淮王帖木兒不花監國，慶童為左丞相，同守京城。夜半開建德門北奔，遇春等追至北河，擒皇孫買的里八剌而還。元亡。○元主駐應昌二年，殂，壽五十一。在位三十六年。太尉完者等奉梓宮北葬，諡曰惠宗。太祖以帝知順天命，退避而去，特如號曰順帝，而封其孫買的里八剌為崇禮侯。

右元十帝共八十九年

浪華

筱崎槩 校

尺木堂綱鑑易知錄卷九二大尾

敘

繼春秋而後大一

統而明予奪者莫

過綱目一書然而

上下數千百年文
成數百萬讀者若
涉大海茫無津涯
纂輯家就簡剛煩

名手錯出而微言
奧旨字義典實略
焉弗詳雖極好學
深思心知其意而

亦無由悉其條貫
迨考之他書質之
師友而卒未能了
然有得余素欲講

求春秋大義故每
樂觀綱目全篇十
餘年來余歷官秦
晉豫蜀皇皇幾務

得以經史自娛之
日絕少偶有暇刻
亦不獲縱覽全史
輒取諸家纂輯者

繙閱之亦僅能識
其大槩而已前大
司馬畱村公余族
兄也由撫閩晉總

制兩粵攜從子楚
材彙前賢近代名
流之文而輯之曰
古文觀止余兄作

之敘而梓行之迄
今風行海內其正
蒙養而裨後學厥
功誠非淺鮮也今

年春余奉

天子命撫滇南楚材與

友周子靜專星若

輯有綱鑑易知錄

草萬里寄余余略

觀大意法遵綱目

注集王劉煩簡適

宜雅俗咸賞及信

手拈一卷細閱之
無義不挾無書不
羅俾讀者不必考
之他書質之師友

而了然有得而余
亦自喜向之僅識
其大槩者今且纖
毫必悉矣名曰易



知良不誣也以之
正蒙養而裨後學
視古文觀止之刻
厥功殆爲過之其

風行更當何如哉
余急命付之梓爰
爲之敘

康熙五十年仲夏吉

氣旦巡撫雲南兼建
昌畢節等處地方
贊理軍務兼川貴
兵餉都察院右副

都御史愚叔存禮
立庵氏題



新編 武經書目録 九

立教内殿
 諸論史思林并類

武經書目録

浪華府

心齋橋通唐物町
 河内屋太助製本

武用辨畧

木下義俊著 全部一冊

天文地理城郭武兵弓矢射車著具及ヒ
 馬事鷹犬等の武門必用の支物を奉
 詳ふ古實を正し圖を加へし童蒙と
 いへし易に易記といふ記を

武林原始

日夏繁高編 全八冊

刀鉏弓矢射車馬具馬事著具武著
 兵変等二百餘條ノ濫觴を正史実録
 百餘部の典籍を採擷して悉く起源を
 考へ自兵家者流必覽の書なり

軍器考後篇玉筥

全五冊

白石先生の軍器考ノ後篇は古代の武
 器に於け制作利便を委し記す

武具要説

一名武道古老物語 全部二冊

此書は武田諸家傳の論談に弓馬刀
 鎗銃炮具足馬相等その品より長短
 得失の利害を詳し評しし武
 門有益の書なり

武備志

明芳止生著 全部二百四十卷
 合卷八十一冊

士門專覽各務全備の書也篇中門を分軍九十八篇
 七書 一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十
 太白陰経 三 戦部 三卷 餉部 八卷
 虎鈴経 三 攻部 十 醫部 一
 曆代戦畧考 三 守部 二 馬部 二
 陣製部 十六 水部 六 占部 二
 練製部 廿五 火部 三 度部 五
 各部より志を考へて見武備の要なる
 規則を述べし書なり

七書正文

漢百年校全一冊

此各數板一... 漢字多く且... 唐本... 一家の説... 先生... 而新... 正文を新刻... 字解明訓点訂正... 素讀本の最上

武經七書正本

全部十二卷 合卷三冊

明の茅元儀... 其義を説く... 他注其... 勝... 之は... 讀者... 利害を曉... 迷也

武經直解

全五冊

正宗台參... 全文を考正... 下段を置廣く名家の... 説を直解... 精説を標録... 改... 考... 原文注釈の多し易か... 心

軍法待用集

兵術要訓

旗指物之圖

武器名目考

軍器製作辨

全三冊

武藝小傳

日夏繁高先生著 全五冊

此書ハ中古以來武門ノ名賢達士ノ小傳... ヲ輯タル書ニシテ兵法諸礼ヲ馬鎗刀砲... 家柔術ニ至ルマテ其一流ノ祖ト仰ル程ノ人... 斯ル名譽アリシトテ正史ニヨリテ拔翠シ... タレ武門ニ於テ座右ヲ放スベカラサル書ナリ

軍林一德鈔

全二十冊

孫吳義疏

白水田先生著

全十冊

標注七書俚語抄

神田白龍子著 全部廿五冊

此各八片假名をり... 全部乃至... 丁寧細密ニ注解せり... 文之幼學... 之... 讀易く... 合点のゆい書也

孫子經典餘師

百年先生著 全三冊

全部の意を平假名... 記... 會... 且上段... 本支... 之... 獨... 之... 心

孫子國字解

東堂生著 全三冊

全文乃... 運を片か... 事... 附録... 單騎... 用辨... 馬乘... 陣幕... 鎗合... 衣者... 詞... 擧... 獨士... 之... 肝... 要の... 心

捕家傳七卷書

全五冊

此書ハ捕正成終リニ臨テ... 嫡子正行... 遺... 玉... 兵書ニテ治國平天下ヨリ軍旅... 奇計士ノ養ヒ方兵粮ノ貯方ニ至ルマテ... モラス... ナク捕家累代家... オト... ルモ全ク遺訓守ルニ因テナリ凡兵學ニ志ス... 人一閱セズニアルベカラズ

兵法與義書

山本勘助入道記 全二冊

甲州ノ軍士山本道忠齋兵法ノ與義... 十七ヶ條ニ分チ日本兵法ノ祖源ヲ傳... 來... 記... 師弟次第夜討朝懸... 奇計... 小荷駄運送ノ辨利... 記タルナリ此... 書ヲ見テ甲州ノ兵ジユツノヲヨリ... ナラザルヲシルベシ

武用寶鑑

大本

全五冊

日本中興武術系圖略

彦根藩志實先生著
懐中人折本全一

予馬鎗力柔術或ハ兵法ハ數流アリテ其
傳來詳ナラスニ遺憾ナラスヤ此書ハ中興

武家祖先ヨリ傳來ハ次序ヲ委シク記シタ

其流久ハ勿論他流ニテモ何流ハ何々人傳ハリ何

世ニ成ト云フヲ掌中ニテホ其簡便尤ク稀成書ナリ

七書正文

中本

全四冊

同片力子附

半紙本

全四冊

同白文

林道春校
小本

全四冊

同素本

大本

全二冊

軍器要法 岡崎良梁著 全一冊

軍法古今辨ヲナシ戰場ニ用ル器物古今

連得矢ヲ明ニ軍陳城取ホノ秘ト支終リ

二難韃軍誠ノ宜シキコトヲ委クニ論ス

軍歌辨疑

全一冊

孫子集註

程治臣原著述
後學黃邦彦校

全七冊

武用藝術論

東都伏齋樗山著

全二冊

此書ハ怪トカリ 藝術ノ氣合武術ノ與義ヲ説リ
實ニ武門ノ標幹多初心ノ人流義撰以シテ此書
依テ心氣ヲ子ニ武門ノ六藝速ニ上達スキ書也

孫子三略考

全一冊

大坂心舟橋
唐物町書林

河内屋太助板

發行

江戸日本橋通二丁目

須原屋茂兵衛

同 淺草茅町二丁目

須原屋伊八

同 日本橋通二丁目

須原屋新兵衛

同 所

山城屋佐兵衛

同 芝神明前

岡田屋嘉七

同 下谷池之端仲町

岡村庄助

同 淺草廣徳寺前

和泉屋庄治郎

同 横山町三丁目

和泉屋金右衛門

同 芝神明前

和泉屋吉兵衛

大坂心齋橋通唐物町

河内屋太助板

書肆

早稲田大学図書館

011688996688